

中國方志叢書·華北地方·第四〇九號

據

清·房裔蘭總裁，蘇之芬纂修
清雍正七年鉛印本

影印

山西省

陽高縣志



成文出版社有限公司印行

50/8875



10094292

中華民國六十五年 月壹一版

陽高縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

纂修陽高縣誌序

陽高之無誌非自今日始也陽高之無誌而有誌非自今日之述者有人而實作者有人也粵稽先代曾建雲中郡嗣後郡改衛所職司屯糧者於地方事宜皆非所埋以故郡誌無存遂無復有纂輯誌書一事無論舊章莫考抑且近事盡湮噫良可慨也余自今年己酉春承乏茲土下車之始首以誌書詢之里人邑士咸曰無傳因與學博蘇子言蘇子慨爲已任廣搜博採信者存之疑者闕之不數月而草檢創成蘇子袖而示余余展卷詳閱其誌中所載凡天之經宿地之書彊昔之成規今之定制與夫山川人物壇廟祠宇職官公著以及草木鳥獸昆蟲靡不條分縷晰備極周詳間有無徵悉弗敢載寧爲其略毋爲其荒所以闕疑而存信也噫是書也無異拾千腋以縫裘擗百花而釀蜜此可見蘇

子用心之苦矣我

朝車書一統幅員之廣名物之繁而且嘉符祥兆之指不勝屈亘古所未有也方今

聖天子命廷臣纂修一統誌懼有荒謬缺遺

特飭各省督撫大臣通飭各郡分飭各州縣悉心考訂務期詳確令各獻所誌於上以集大成蘇子能仰體

宸衷殫心供職課士之暇日不憚煩而攬古訪今得以集成是書直與董狐司馬氏繼晉乘之遺者後先輝映何多讓焉則陽邑之無誌而有誌非述之難而作之難也蘇子以一身仔肩鉅任豈非陽邑一大功臣哉余不敏日事簿書鞅掌得蘇子舉斯盛典不惟爲今之牧民者光永爲後之牧民者光也當付之剞劂以垂不朽余亦不辭固陋爰爲之詞

弁其首或曰蘇子創前人之所無辭述居作欲自負其才以表見於天下後世此非知蘇子者也蘇子不過殫厥乃心供厥乃職而已其蘇子之願也夫是爲序

雍正七年八月朔越六日知陽高縣事壬午科舉人前就職 內閣中書房裔蘭撰



F

11

陽高縣志叙

郡縣之有志何昉乎昉於歷代之有史也代非史無以鏡政事之治忽考人物之臧否知風尚之美惡史固古今一大帳簿也自柱下史以來董狐南史以直聞左邱班馬以辭著他如蔚宗之後漢書謝氏之東觀餘論涑水之資治通鑑沈約宋書歐陽氏五代史孰非記一代之事跡而凡政事之治忽人物之臧否風尚之美惡開卷而犁然在目者哉然而考一代之典章則史可以得大略至若黃壤赤墟之各異宜黍宜稻之不同星野祠宇各仍其舊災祥回革各隨其時以及山川之險易關塞之要害則又非史所得而詳者若乘若櫓及十五國春秋各載一國之遺事而佐史之所不及者也禹貢經也而爲志之星源春秋經也而爲史之鼻祖記往事而垂後世炳如日星志願不重哉古者太史陳

詩而觀風司市納價而知物以故各國之正淫正變政治星野無不昭然於簡編雖無志而有志也嗣是而降太史不陳詩司市不納價而五方之風土各國之好尚渺然不獲其真且實而纂史者亦復彷彿其風景以招撫其詞又烏足以爲一方之信史也哉於是好學深思之士身任風教之責者準乘與橈杙之遺制起而立爲志以記各方之風土人物天時人事若者宜黍宜稻若者可獵可漁若者爲古聖之遺蹟若者爲後賢之芳踪若地之人物強悍而奇偉若地之人物文明而寬柔若處之山川平易若處之關塞險而要攬之者如季子觀樂盲史吹律皆了如指掌可以弔古卽可以衡今志固與史相爲表裏分之而爲二合之而爲一者也陽高古平城地北拱居庸南臨雁門明興爲北門重鎮設總制衙門統重兵以彈壓甚要衝也迨

國家車書統同裁去重兵止設衛官一員以征收賦稅而已

今上御極之三年改爲縣制而政治規模又爲一新司政者日出其精神才猷以經營草創而筆墨之事有所未遑余適奉

簡命從平陽之新田量移鐸於此與縉紳先生及諸弟子員相周旋求縣志一閱皆曰此缺典也余以爲陽高雖處邊塞其地可以耕其民可以治其間倜儻不凡挺然崛起之士以及忠臣義士孝子節婦亦未嘗無人特以記載無屬始而嘖嘖人口終焉名湮沒而不彰者可勝道哉卽一二有心之士珥筆而記亦略焉弗詳散而無統究與無志等余不揣淺陋欲與諸君子纂集爲志特是余聞之史有二長之目焉才學識備之余何人斯而敢當此任乎雖然余不過考諸學士之記載訪諸父老之傳聞傳其信不傳其疑爲其詳不爲其略雖或挂一漏萬亦不遑計

也聊使一邑之風俗好尚人才物產以及山川險易並一二忠孝之正誠節義之慷慨俱羅列在目不至如前之湮沒而不彰庶竭駑鈍以補其缺典已耳何敢云作他日轡軒之使採擇而觀風與夫臨民者相其土俗人情之宜補偏救弊于其間而吏治蒸蒸不可謂非千慮之一得也後之君子覽其大概或易鄙卑爲雅馴反朴拙爲古藻而使其彬彬可觀倘參考焉是又余創始之初心所深望也云爾

峕

雍正六年端月元旦後五日

陽高縣孺學教授暫管訓導事前丁卯科舉人鄒陽蘇之芬撰



陽高縣志叙

邑之不可無志猶國之不可無史也國無史則無以考其興衰治亂是非得失之故而萬古如長夜邑無志則無以紀其山川土風人物地產之詳而所在皆迷津是以史遷作史記不獨墳典邱索必窮漸渺耳稗官野乘雜記外傳亦不廢採擇誠有取爾也則志與史並垂也寧顧問哉然而修志難而作志尤難蓋修則據前人之成跡而撮其要領倣其規模稍一筆削潤色而更新之無難自見所長作者憑空結撰罔所依稀非有上下千古之才無以定其規模非有淹貫經史之學無以俾其筆札非有大公無私虛以受益之器識胸襟無以訂疑而考信崇雅而黜浮則志之創始亦綦難矣陽高舊戎馬地自前明洪武定鼎始建城垣置官屬設衛而屯軍焉故前之人惟武備是修未遑文事迄今三百

餘載而志竟缺焉歲乙巳

皇上御極之三年

特允批臣奉請改衛爲縣俾以禮教化民一時治績煥然改觀而風俗文章大有驟駭日上之勢鄆陽孝廉蘇先生自沃邑遷鐸吾鄉甫下車遍覓邑志弗得遂慨然曰有邑無志則山川何以著其靈異物產何以見其英華而且名公鉅卿文章節義何以信今而垂後正志而彰教異日者輜軒之使採風問俗其奚以應命爰是課業之暇或採郡志之遺編或訪父老之傳聞與夫一二生徒之記載時復酌以特見纂集成帙寧簡勿濫寧朴勿華寧過爲訂信勿輕爲傳疑提綱挈要則擬左馬之英華摘辭抒藻則發經籍之膏腴其安章頓句憂玉獻金則又取法於春秋之謹嚴者也方今

聖天子睿意求治命直省臣工遍采郡縣志彙入史館以備纂修
皇清大一統志而是書適成非惟陽高一隅用垂不朽其上勲
國家鄧隆之化豈淺鮮哉則謂先生是志之作與諸史並傳也誰曰不宜
是爲叙

陽高縣拔貢生錢再春撰

志例十則

- 一 按山西省志式遵一統志縣隸山西則志當惟省是式夫省志古晉乘之遺出自董狐司馬氏筆爲後世志史鼻祖其義正其文簡而不里今志編門分類取以爲楷因舊章也
- 一 疆域星野不有圖考何以審形勢察諛祥而爲制馭敬時之計故繪以圖而詳其說便觀覽資修省也
- 一 分門別類稱詳也詳則用之以約故各以名義所近者附於列卷而不復細分卷帙以相凌錯省繁文惜物力也
- 一 稽核不厭精詳也謂之實錄信者必傳疑者缺焉不欲以受疑于世者還以疑世也所以崇志體示信史也
- 一 志之作也表忠孝之幽光振將來之風化凡善可錄行可述有關於世教者雖在編氓必傳其真其無關風教者雖在貴胄不溢其美存公道示不阿也
- 一 陽高在輿記爲九邊之地卽漢高帝被圍白登月暈七日以垂象者至明正統間爲王閻所誤致蒙塵七木後回鑾之日駐蹕於此總兵曹安獻食焉真邊陲要地今雖改縣凡一切古制兵戎必詳載者俾後有所考知要衝而謹防禦云
- 一 職官明初始建立城垣設總督以統重兵後裁焉并陽和高山兩衛爲一官以征收賦稅而已今改縣凡守口鎖門皆隸焉至登記事蹟考之明代者居多故志之使後知沿革所

由也

一省志有雜著祥異仙釋及諸雜事縣無雜著及雜事可記志其祥異俾司民者知所恐懼
揚勸云爾

一藝文收錄不敢太繁惟於學校壇廟碑記以及忠孝節義之傳錄及名公所題咏聊志之
以示不忘也

一陽高素無志今初立焉雖間有錄本而所記事跡僅什一於千百雖此外細加採擇然猶
有世遠人湮而無考者有地勢隔濶而未聞者耳目所及難免脫漏君子不得以鹵莽訊
焉止以竭心力創規模以俟後人云

纂修姓氏

總裁

陽

高

縣

知

縣

房喬蘭

直隸樂城人壬午舉人

纂修

陽

高

縣

儒

學

教

授

蘇之芬

朔州人丁卯舉人

校閱

貢

生

錢謙

邑人

拔

貢

生

錢再春

邑人

貢

生

楚成大

邑人

廩

膳

生

員

賈法誼

邑人

林洪郊 邑人

吳永發 邑人

劉戩 邑人

郭儒大 邑人

善修生氏

身个女上

增

採輯

廣

生

員

廷

元

邑人

董

成

邑人

生

員

蘇

淵

邑人

董

五

教

邑人

錢

復

邑人

林

莒

邑人

張

恭

邑人

林

洪

郡

邑人

陽高縣志目錄

卷之一

野星 氣候古蹟附

輿圖

巡幸

沿革 建置附

卷之二

山川 八景附

土產

田賦

戶口

風俗

祠宇

卷之三

公署

職官

名宦

鄉賢

卷之四

學校

教法

選舉

人物 流寓仙跡附

卷之五

古蹟 陵墓附

祥異

武備

卷之六

一表

文藝



目録

陽高縣志卷之一

星野 氣候占驗附

周禮保章氏以星土辨九州之域皆有分星以察妖祥而參爲晉星子產晉言之矣禹貢冀州之域舊參實沈之次於辰在申酉之交于州爲益晉魏之分也而井宿附入焉然晉志又謂雲中入東井一度爲昴畢分野史記曰昴畢冀州晉天文志曰自胃七度至畢十一度爲大梁趙分野唐天文志曰胃昴畢大梁也初胃四度餘二千五百四十九抄入大梁中昴十度終畢六度天原發微曰胃七至畢十一辰酉曰作疆律姑洗斗辰趙分野費直周易說曰起婁十度終氍月令章句曰起胃一度金史曰胃四度二十四分三十二抄外入趙分大梁之次雖度數起終稍有不同而大梁之爲趙其占爲昴畢則無不同也陽高密邇大同其亦爲昴畢分野是也而占候變理於是考焉漢人有言曰陰陽之精其本在地上發於天德隆則晷星星隆則晷德惟民司牧恣厥德以承天序事而脩教則七曜順軌百祥駢集蓋自然之符也作星野志


昴圖




昴十一度下爲日月中道天之耳目也主西方主獄張衡曰昴明則訟獄平文第七星爲旄
頭主邊憂惑守其北燕趙兵起太白守之邊兵動天阿一星在胃東月一星在昴東主女人
災福天陰五星在畢柄西主從天子弋獵之臣天苑十六星在昴畢如環狀天子苑囿養禽
獸之所也芻藁六星在苑西以供苑養也卷舌六星主口語以知讒佞張衡曰主樞機曲而
靜則賢人用直而動則讒人得志天讒一星在卷舌則主醫巫礪石四星在五車北主磨礪
鋒刃





畢圖



關天




附耳



畢十七度主邊兵弋獵其大星曰天高一曰邊將明大則遠方來貢失色邊兵亂動搖邊兵起甘氏曰畢主街巷陰雨天之雨師也張衡曰畢爲天馬昂畢間二星曰天街主國界金火守之邊兵起附耳一星在畢下主聽得失星盛主中國微有盜賊邊候警動移則讒佞行兵大起天節八星在畢南主使臣之所持也諸王六星在五車南主宗藩天高四星在參旗西畢近北此臺榭之高主遠望氣象不見官失守五車五星三柱九星主天子五兵北曰天庫主秦東北曰天獄主燕趙東南曰天蒼土衛魯中央曰司空主楚西南曰卿主魏五星有變各以所主占之又填星舍五車燕代大旱三柱一曰三泉一曰休一曰旗五星明柱皆見則倉廩實一曰天子得靈臺之禮則五車三柱均明有常天潢五星在五車中主河梁津度咸池三星在天潢南魚囿也天關一星在五車南亦曰天門主邊事主關閉參旗九星在參西五車之間天旗也明而希則邊警不動流星入北地兵起玉井西南九星曰九旂天子之旗也土邊軍進退金火守之兵亂起天苑之南十三星曰天園植果菜所也

井圖



井三十四度甘氏云主泉日月五星貫之爲中道石氏謂之東井主諸侯帝戚三公之位故明大則封侯建國張衡曰天之南門也黃道所經爲天之亭侯主水衡事法令所取平也王者用法平則井明而端列鉞一星附井前南北兩河各三星分夾東井主開梁三光之常道也張衡曰河北星不具則北道不通南亦如之天樽三星在五諸侯南主給貧餒明則豐諸侯五星在東井東北主治陰陽察得失明大潤澤則天下治積水一星在北河北不見爲災積薪一星在積水東以備庖厨明則人主康水府四星在東井西南而東則爲水位四星俱主水衡四瀆四星在東井南江淮河濟之積精也軍市十三星在參東南天軍貨易之事野雞一星主變怪在軍市中軍市西南二星曰丈人丈人東二星曰子又東二星曰孫闕邱二星在南河東主象魏狼一星在軍市東南爲野將變色動搖盜賊作弧矢九星常向千狼引滿則兵大起老人一星在弧南一曰南極常以秋分之且見於丙明大則人主壽昌天下安寧

氣候

陽高在山西之北地勢最高暮春猶寒初秋多霜冬極冷凍出成一季

占驗

劉知幾曰兩曜日星麗於大象非如九州萬國廢置無常故海田可變而景緯無易晉考諸占驗之應魯僖公二十四年歲星入實沈之次晉文公卽位周考王八年彗星見於晉秦伐

涿川漢高帝七年月暈圍參畢七重帝被圍白登七日乃解孝文二年天攙夕出西南上郡雲中騷然元帝永光元年白氣出西南從地至天經參下貫天厠石頭譜毀周堪張猛劉更生等既殺魏郡太守京房晉惠帝元康三年鎮星歲星太白俱聚昴畢後賈后陷太子趙王淪廢后殺之成帝咸和八年癸惑入昴是月石勒死石季龍自立多所政沒穆帝永和五年月犯昴冉閔殺趙十餘萬人趙地大亂哀帝太和二年太白入昴後二年慕容暉據并冀十年太白晝見於昴畢趙魏兵連相攻北齊河清六年夜月掩畢高歸彥以反誅唐代宗大歷七年長星見參星下其長亘天時李正己田承嗣李寶臣等相蟠結拒命他如癸惑退舍宋公延齡中台告拆晉相速禍星集潁川而賢人聚月犯少微而處十亡如斯之類皆諸史所載昭然較著敬天動民者不可不加意焉


輿圖


昔軒轅氏達道里之遠近度地居民自井遂溝洫推之畿甸要荒內而芟坼外而邊鄙各分其土各子其民廣狹不一辨方守土各謹封域至周又以戢方氏掌天下之圖以掌天下之地辨其邦國都鄙與其財用九穀六畜之數要周知其利害乃辨九州之國使同貫利故營洛而胙獻圖入關而收秦籍從古如斯誠重之也陽高地逼邊陲爲山西之肩背神京之咽喉乃北門一要衝也審利圖便防禦不可不慎也故志輿圖




按山川城郭前已詳言之矣
但山勢蟠結川原繚繞與夫
城池祠宇村堡離宮未能星
羅滿目其何以按圖而指掌耶
爰畫圖於左以便觀覽云


陽高山川圖





陽高東路村堡圖







石版
謝家屯
李官屯
先農壇
神峯寺
財神廟
保安寺
東夾牆

陽高縣志卷之二


陽高西路村堡圖






孫家堡


陽高南路村堡圖






易系志卷一輿圖

陽高城署圖





縣境在大同府東一百廿里東至天鎮縣六十里西至
聚樂六十里南至東岸縣九十里北至邊牆十里
從縣城至

京城六百里至山西布政司七百四十里

巡幸

古者天子十二年一巡狩所在曰行在所至之處曰幸言

車駕所在臣民被其德澤故曰幸也又曰帝所至見長吏三老官屬親臨軒作樂賜食或賜田租之半是謂之幸故伊邠遊華封而知祝有虞陟方岳而動民禹巡庚辰周頌時邁聖作物覩德洋恩普甚盛事也嗣是而後或幸新豐而蠲租賦或幸辟雍而彰教化或御六師而振天威總以又安斯民大沛天澤盛德著於當時休聲傳於萬世詩書所載可考也今

昭代之隆典上塲二帝雨露之澍濡遠邁三王此固史册所類書學士珥筆而載者也况陽高雖屬邊邑為

巡幸所及而沾恩猶渥者哉是不可以不志

明正統十四年帝北狩回鑾駐蹕陽和

正德十二年九月帝幸陽和

國朝康熙三十五年因喀爾且跳梁

聖祖仁皇帝赫然震怒親統六師以行士民間風扶老携幼歡來郊外跪接蒙

天顏大喜諭令勿呵禁聽民瞻仰且傳

諭百姓俱要孝順父母各安本業士民又因錢糧折色運送艱苦在

駕前叩訴蒙

上諭運送艱難朕亦深知今新巡撫在大同你們問他設法隨

進城南街李監生房備爲行宮

駐蹕一晚次早

駕起士民遵

旨赴院投訴後來議定散戶零糧官收官解大戶或交官或自運聽民自便以免運送之苦後

又分賜馬匹折給旌兵民益沾

恩及奏凱

回鑾復幸陽高蒙

皇恩浩蕩

諭大同喂養馬匹百姓多有効力之處今喀爾且蕩滅宜沛膏澤將大同府屬地方三十六年分地丁錢糧槩行蠲免均沾實惠至今歌頌不置

沿革 建置附

自畫野分州建國君民都邑之設舊矣然事以時起制以代更其間因革損益通變宜民之道蓋隨乎其時焉耳秦并六國罷封建而置郡縣後又有爲部爲道爲軍爲路爲省之異制既不同名亦各別世更代裂有沿其土而更其名者有襲其名而非其地者有地遷而名亦革者離合糾紛幾於莫可辨識矣今據其地考其與廢稱名之實表而出之故志沿革

陽高爲古冀北域也秦平天下分爲三十六郡置雲中郡本城在其東爲雲陽地至漢高帝七年親征冒頓以精騎四十萬圍帝於平城卽古白登地陽高距白登二十里是爲白登地又按遼志青坡山在長青縣相傳卽今雲門山也則陽高又爲長青縣地明洪武三十一年廢白登命中山王徐達築陽和城周九里三十步高三丈五尺壕深三丈門三東曰成安西曰成武南曰迎暄上各建樓窩鋪十四外各建月城此陽和城所由始也天順二年始城高山與陽和爲二衛以指揮千戶領之萬曆壬辰東路范錫磚包東關堅且嚴整崇禎四年總督魏雲中于敵臺上每面修敵樓六座磚包壁立屹然景太元年設立督府駐以大兵於是陽和稱雄鎮成化十八年置儒學文經武緯規模大備

國朝順治三年革去衛指揮千戶世襲之官廢高山地併兩衛爲一曰陽高衛掌印一員領之順治五年姜瓖叛移府治於陽高城陟衛爲府今雲中郡功其遺蹟也順治八年總督佟養量繡衣陳偉合疏請復大同府治陽高依舊爲衛治順治十三年裁去督府兵道等官所

存者通判城守儒學衛弁四員而已至

今上雍正三年又移中路通判駐節府城改衛掌印為縣尹改儒學教授為訓導設典史一員凡鐘門守口皆隸焉是為陽高縣規模制度一新而輿情泮宮將鼓舞興行而更化焉其舊制十八舖屬所十今改為都陽和五都曰左右中前後高山五都亦以是稱然都雖十名區分三路則遠近村疇應為臚列以便觀覽焉

東路

李官屯
柳林堡
王家莊
沙河墩
羅家屯
西雙寨
燕窩村
席家灣
管家堡
吳家堡

謝家屯
楊家堡
北徐家屯
柳家泉
獅子屯
陽和塔
上梁源
謝家莊
太平堡
孤山廟

夏家場
馬家莊
姚家莊
吳家河
汪家屯
蘇家窩
下梁源
陳家堡
羅文皂
滿台墩

莫家堡

南徐屯

六墩子

頭墩子

平山墩

三墩子

十九墩

西路

織錦庄

鹿角溝

小村兒

顏家溝

劉家庄

惡石村

重興鎮

北沙嶺

潘家屯

紀家庄

虎頭山

二墩子

許家園

七墩子

水磨口

孫仁堡

花家窩

楚家窩

唐家窩

康家窩

許家窩

王官屯

張家庄

黃土兒

黃土梁

窩兒溝

三墩子

鎮門堡

四墩子

榆林口

太師庄

胡家窩

鄭家窩

盧家窩

都司口

石窩子溝

南沙嶺

西楊官屯

青順堡

唐官營

金家庄

橋頭村

張官屯

貴峯村

滴滴水

中吊兒

下吊兒

上富家寨

下富家寨

上泉村

齊家窩

馬官屯

賞家庄

馬家半坡村

王千戶嶺

相家庄

賀家塔兒村

安家灘

天橋兒

靖魯堡

范家窩

閻家窩

羅家嶺

胡成嶺

宋家墳

宋家溝

堡子灣

守口堡

小龍王廟

杏元村

磚樓上

土嘴口

乳頭山

白沙灘

朝陽村

馬家窩

石廠村

小南路

八里墩

大白登

小白登

四百戶屯

周官屯

陳官屯

高山兒屯	南杏元	北杏元
侯官屯	後營村	上吾其
董家屯	碾兒頭	楊家塔兒村
關家窩	曹家庄	石家庄
高官屯	南楊官屯	西嶺村
田家屯	田家寨	吳家屯
趙家寨	腰庄村	劉指揮庄
張連庄	普家梁	按馬溝
閻家屯	古城堡	咎家娘子村
上辛庄	下辛庄	漫流堡
林家庄	趙家村	和堯庄
東井集上堡	東井集下堡	安頭村
趙家窩	侯家窩	許家窩
永安堡	上大柳樹村	下大柳樹村
小石庄	西坦坡	神全窩
西要泉		

陽高縣志卷之一終

名山大川天地之孕靈神聖之基宅也然都邑之設時有變更山川之形亘古不易昔大禹奠高山大川以別九州平成之功實曰晉始故晉之山川亦甲於天下雲中居天下之巔恒巖峙焉上黨爲天下之脊太行倚焉滹沱汾漳界分左右五臺雷霍互爲雄長黃河自龍門而下洶湧奔放北轉而南又復轉而東朱子謂北紀之山自雲中起脊公羊子謂千里而一曲也蔡氏云河北諸山根本脊脈皆自代北靈武諸州乘高而來其脊以西之水西流以入於龍門其脊以東之水則東流而爲桑乾經幽冀以入於海故府志云雲郡諸山多源於陽高之曰登山又伏鹿山而西爲陽高之斷頭山遶迤西南爲採掠諸山至於翠屏當面如幃抱城相傳卽雲門山及考遼志謂長青縣有青坡山古橫吹曲云朝涉青坡暮上曰登則此山又疑爲青坡山也陽高居恒嶽之陽密邇

神京雁門爲綉桑乾曰登河爲灘誠鎖鑰重地也故志山川

雲門山

去城北十里在邊牆外卽府志所謂翠屏山青坡山者閻中張司馬大書鎬石今歸然北臺者是

曰登山

在城東南二十里

龍混山

又名偏梁寨在城西五十里上有北嶽廟元帝廟三清玉皇等廟甚多石壁峭立延鐵索而上有石佛洞山勢嵯峨玲瓏

採掠山

在城西八十里上多藥材有採掠大王廟及採掠觀

虎兒山

在城西二十里土人相傳其名以其形肖也堪輿家謂西方庚辛白虎象也兌宮為酉地乃天之門戶虎臥天門最為得地居此者宜治武

斷頭山

在城西北十里

十里河

水自邊外從守口堡之開山口入居民取行水磨為利兼資灌溉逶迤遶城而東折而東南入白登河

白登河

在城南二十里發源大同縣屬河兒頭村東流入天鎮縣十里河

桑乾河

發源於馬邑之洪濤山匯金龍池逶流而東經山陰應州大同縣界至陽高之南川漸由保安州以入蘆溝河

八景

重臺賚秀

陽和臺卽就北城基而廣之上建元帝宮金碧輝煌備極壯麗前有過殿亦爲宏敞兩廡皆佛殿東偏有禪室數楹黃冠居之以伺晨昏臺峻取水艱困就臺鑿井得泉甘香而冽人稱神焉殿后建八角亭二城外有北嶽廟高與臺齊遙遙相映每盛夏人多遊覽其上東望上谷雲山皆北向綿綿若星拱西望鎮宏山川相繆鬱鬱蒼蒼南則高峯遠峙桑乾登水如白練長亘北則邊垣森森風烟靜謐想見呼韓梯航盛蹟時有清風徐來令然善也俯瞰居民基布星羅家室嬉嬉滿目皆繡壤焉而騷人達士每載酒邀朋携不律陶糜以記勝槩云

織錦飛花

織錦庄在城西北五里許花枝攢密樹木陰翳盛夏紅葵綠葉相間成文如織錦然至秋末樹花亂落遍地如繡香氣襲人想見武陵桃源之景

北岫攢雲

北山在昔爲青坡山卽所謂雲門山者時有雲氣浮其頂俗傳戴帽雲

西巖積雪

虎峪之巔劈峽間四月猶有殘雪其清况可挹

白登遺蹟

白登村在城南二十里外相傳舊縣治在村之偏側卽漢高被圍處也每於陰晦時隱現

青龍惠水



在城西南十五里山腰有石盆形其津漉而出者在焉可足焚修之炊偪崖遍開黃花土人謂之金蓮闕舊名鷗窩崖王大將軍石記今名云

神谷藏風

在邊外去守口十五里清冷山巔有穴邃不可測俗名風洞相傳聽之中若有聲每年立夏後致祀時苦風霾禱輒應

鑿石通渠

西山之麓爲張氏別墅水自山後鑿洞成渠而來以資灌溉佳木葱蘢花陰鋪砌禽鳥弄聲風飄香細人皆稱名園以爲不減洛陽云




高臺雄峻屹對峙
氣清森山連
太少室月滿泉
西林翠柏亭
雙
蓋晴煙拂疊峯
寒迥十里壯
俯
仰嘆嵌嵌

重臺葺秀

丁六年






織錦飛花

傳聞織錦有雲鄉誰把飛花錯
 報章不是瑤林輝閨苑却疑瓊
 樹煥縹緗春霞瑞靄千嬌色秋
 日烟浮萬點香漫道武陵多勝
 事歌衢也自農乘

蘇之芬






春雲常不斷掩映遠山眉出岫
龍飛杳歸林雁落遲淡粧新霽
色濃林雨中姿態綽增詩意長
歌倒接羅

北岫攢雲

朱定遠





誰拈五月梅
 吹作邊頭曲
 高嶺動瑤光
 原田集玉粟
 凌春且帶寒
 入暑堪驅醜
 英氣今朝來
 幾一推功

西巖情

丁亥年






猛將如雲建鼓旗興王何事有
登碑一時妙計恩紅粉千古遺
羞笑鐵騎夜月琵琶胡女妬西
風感宋漢宮詞明妃枉怨毛延
壽作備先由六出奇

白登遺蹟

十首集





大水溝

石室溝


藥

有山不必高有水山椒涵修煉
幾多人汲烹終日足紫芝老碧
象瑤草叢寒滌傍水湧金蓮欲
遠不可摘

青龍惠水

徐化溥






韶雪歌
 澤筑解
 愠入虞琴
 宣氣生成
 化吹揚天地心
 輕清斜燕影
 轟烈響曲豈井
 恬景隨陽轉
 霜辰欽宰殿

神在藏風

蘇之芬





誰移禹穴置三邊
峭壁崦巖碧
洞穿遠眺倚天長
斂卧平觀亘
地銀河連洞門
不見開石扇
陸溥流滯檻泉一
自巨靈分掌
後懸知坎德潤坤乾

鑿石通渠

蘇子芬



土產

考周禮國中四郊之賦閭師征之野之貢賦縣師征之委人征薪芻木材獸人墮人取皮毛筋角角人斂齒角羽詭卅人收金玉錫石澤虞取國澤財物掌篇掌染草則絺綌染草以當邦賦掌炭掌荼則征灰炭茅秀以當邦賦是以九等辨物凡土之所產無不足以利國用而厚民生陽高山高地瘠兼之春寒霜早長養時促無有奇花異石足為珍玩至草木蟲魚鳥獸菜果之屬亦無超奇以充滋味可以薦王公而貢至尊者然而五穀六畜亦足給饗殮而供祭祀山果蔬菜亦為黔黎日用之需書曰政惟養民詩云民之質矣日用飲食陽地之產聊以養陽民故志土產

穀屬

黍

稷

穀

高粱

大麥

豌豆

黑豆

蘆豆

大豆

小麥

菘豆

黃豆

小豆

青豆

苧麻

油麥

蕎麥

麻

刀豆

山藥

菜屬

芥菜

白菜

蔓菁

白蘿蔔

胡蘿蔔

玉蔓菁

菠菜

蒼蘆

芫荽

芹菜

黃花

蕨菜

芍藥

地皮

甜苣

苦苣

韭

葱

蒜

地椒

蕎苣

本草綱目卷之...

藤蒿 蘑菇 莧菜

瓜屬

西瓜 甜瓜 王瓜 南瓜 菜瓜 長瓠 西瓠

葫蘆 香瓜

花屬

菊花 芍藥 山丹 石竹 牽牛 金簪 玉梅

雞冠 水紅 鳳仙 珍珠 丁香 碧桃 葵花

果屬

杏 李 澁梨

木屬

松 栢 楊 柳 榆 槐 杉

草屬

艾 蒿 馬蘭 水葱 狼棧 龍鬚草 牛脂

車前草

藥屬

甘草 麻黃 枸杞 益母草 車前子 地椒 蒼耳

黑白牽牛 和尙苗 沙參 蓮志 丹參 秦艽 馬齒莧

柴胡 苦參 地骨皮 防風 大小剋 牛蒡子 蔓麥

純陽子 萊菔子 地榆 夏搭草 赤芍 白芥子 墓頭回

旋覆花 蒲公英 澤蘭 百合 升麻 蒼朮 知母

紫參 茵陳 貫仲 黃芩 藜蘆 冬花 羌活

紫蘇 五味子 黃精 威靈仙 木賊 王不留 薄荷

荊芥 稀莖 石膏 杏仁 郁李仁 蒙石 兔屎子

藁本 黃芪 蕭蓄 大黃

羽屬

野雞 半翅 鶴鷄 班鳩 慈烏 畫眉 石雞

雞 鷓鴣 鵲 鴈 鷓 鴿 鷓鴣

雀 黃鸝 燕 鷹 鴉 鴿 鴿

白翎 黑白鴉

毛類

牛 馬 羊 驢 豕 虎

狼 兔 狐 鹿 黃羊 狗

書目系 卷一 土產

猫

獾

獐

麝

狢猴

黃鼠

蟲類

促織

蝸牛

蜻蜓

螻蛄

蚯蚓

螻蛄

蛇

螳螂

蚊

蝶

蛙

蜂

蟻

田賦

考田賦之法肇自禹夏後世相沿成制陽高地處北塞砂磧猶甚高土黃沙滿目低土鹺鹵難耕是以地雖潤而居民稀土雖多而耕者少在昔因壤成賦民猶苦於輸將兼之城濶邊垣兵戎蹂躪野馬塵埃不遑寧處至我

朝車書統同享王者邇內外民得安居始有樂生之心然而地瘠民貧無所厚藏一遇荒歉流離不堪而輸賦孔難矣調療易而撫查難此在司牧者寓撫字於催科時警心焉故誌田賦一本縣

額徵本折屯糧併開墾共銀錢五千三百二十三兩八錢五厘三毫四微五纖六沙六塵六渺內

米銀錢二十六百七十兩七錢三分六厘七毫四絲四忽五微六纖七沙六塵二渺四埃八漠

共徵米二千三百二十二石三斗七升九合七勺七抄七撮八圭八粒內

豆銀錢九百四十二兩六錢二分三厘五絲九忽二微二纖一沙九塵九渺二埃二漠

共徵豆九百七十一石七斗七升六合三勺四抄零

草銀錢一千七百一十三兩一錢五分三厘五毫七絲五忽七微六沙九塵五渺三埃

共徵草十一萬四千二百一十束二分三厘八毫三絲八忽四纖六沙三塵五渺三埃四

漢內

解運草三萬六千二百一十束二分三厘八毫三絲八忽四纖六沙零每草一束折徵銀二分七厘共徵銀九百七十七兩六錢七分六厘四毫三絲六忽零

留支草七萬八千束奉文每束折徵銀一分五厘共徵銀一千一百七十兩內

一項開墾折色銀錢七兩二錢九分一厘九毫二絲九微六纖九渺

一歸併鑽門額徵本折屯糧并額外共銀錢五百五十一兩八錢四分五厘三毫八絲三忽六微二纖六沙內

米銀錢一百一十八兩八錢分三八厘一毫五絲三忽四微五纖四塵共徵米一百九十石二斗九升四合四抄六撮四圭八粒

豆銀錢二百一十八兩八錢三分八厘一毫五絲三忽零共徵豆二百二十五石六斗六台三勺四抄零

草銀錢一百九兩四錢一分九厘七絲六忽零共徵草七千二百九十四束六分五毫零每草一束折徵銀一分七厘共折徵銀一百九十六兩九錢五分四厘三毫三絲八忽零

額外地糧

米銀一兩九錢共徵米一石六斗五升二合一勺零

豆銀一兩九錢共徵豆一石九斗五升八合七勺零

草銀九錢五分共徵草六十三束三分三厘零每草一束折徵銀二分七厘共折徵銀一兩七錢一分

一歸併守口額徵本折屯糧共銀錢一百五十七兩一錢四分六厘九毫內

米銀錢六十二兩八錢五分八厘七毫六絲共徵米五十四石六斗五升九合七勺零

豆銀錢六十二兩八錢五分八厘七毫六絲共徵豆六十四石八斗二合八勺零

草銀錢三十一兩四錢二分九厘三毫八絲共徵草二千九十五束二分九厘二毫每草

一束折徵銀二分七厘共折徵銀五十六兩五錢七分二厘八毫八絲四忽

一項有額徵本色米豆麥及操賞償功銀兩並開墾商牙等銀俱係陽和中路征取自雍正五年中路移居府城錢糧仍舊經管今附於此

一額徵本色倉斗米二百七石七斗四升

一額徵本色倉斗麥一百一十五石九斗八升二合

一額徵本色市斗米一十三石五斗

一額徵本色倉斗豆一十七石五斗四升五合

一額徵更名操賞償功共徵銀錢二千九百四十九兩七錢二分一厘七毫三絲內

改徵本色米一千一百八十六石八升九合七勺一抄九撮

改徵本色豆五百三十八石一斗五升一合二勺四抄六撮

改徵本色草六萬三千二百四十七束四分五厘六毫二絲五忽八絨九沙
原額開墾銀五十七兩

額外水濠房糞商牙雜課銀三百七十二兩九錢七分

以上俱依雍正六年見徵實在米豆草束數目開載

戶口

周禮秋官司民掌登萬民之數自生齒以上皆刻於版辨其邦國都鄙及其郊野異其男女至三年大比以萬民之數詔司寇司寇及孟冬祀司民之日獻其數於王王拜受之登於天府內府司會蒙宰貳之以贊王治誠重之也陽高自洪武創建城池卽以軍籍實之爾後生齒漸繁成丁者咸入冊定等爲三例則爲五而深山窮谷皆隸籍焉

國初裁官并衛餘皆因舊制今規模雖改縣治而戶丁亦猶是也第田土磽瘠民無恒產牛聚甚難是在爲民上者時加軫恤焉志戶口

本縣實在當差人丁二千六百八十八名

共徵銀一千一百九十一兩七錢

一起解

司庫銀二百一十三兩六錢九分七厘

一存留

文廟武廟關帝廟各處祭祀並俸工等銀共九百七十八兩三厘

以上俱依雍正六年見徵寔在起解存留數目開載

風俗

古者太史陳詩司市納價凡以知風俗之正淫爲教化之本務是故唐風儉而秦俗悍魯秉

禮而齊急功皆所謂風俗與化移易者也陽高地雖邊塞密邇 京師王化實首及之其風
朴畧其俗徑遂其民敬老慈幼用度節儉勤耕耘務牧養家塾黨庠絃誦不輟士耻奔競非
公事不干調有司緝紳先生杜門不問戶外事嫁娶多守顏氏家訓喪祭悉遵文公家禮今
雖時移物換遺風猶存然男多飲嬉婦鮮織紡見小輕生往往壺殮起釁卽挺身而鬪甚而
投繯刎頸亦時有之司風教者不得不加意馴化之也志風俗

節令

正月元旦且無論貧富皆彼此登拜宴會彌月方止元宵門多旺火張燈放花 十六日多携
酒饌另外遊云除百病 二十日二十五日爲天倉節 二月二日中和節 三月三日上
巳節 清明節墓祭樹鞦韆 五月五日端陽節食角黍飲菖蒲雄黃酒懸艾虎採百草繫
長命縷 六月六日烈日暴衣 七月七夕相傳織女渡河晚幼女設果乞巧 十五日墓
祭家家送麩人 八月中秋玩月饋瓜餅 九月九日重陽餽糕釀菊酒 十月一日墓祭
燒寒衣 十一月冬至節交拜 十二月八日早晨食臘粥作臘醋醃肉藏冰 二十四日
掃舍祭竈 除夕易門神換桃符修歲事陳祀儀守歲

祠宇

韓子謂自天子郡邑得共祀而遍天下者惟社稷與孔子古者諸侯又得祭境內山川今郡邑各有文廟及山川社稷城隍等祀載在彝典而古聖賢功德所被之地理宜崇報祭法法施於民則祀之以死勤事則祀之以勞定國則祀之能禦大災捍大患則祀之非此不與焉其有不在祀典而有功德於一時者一時祀之更代則已有功德於一方者一方祀之踰境則已禮以義起崇德報功實式憑焉神道設教仁之至義之盡也寧止潔豆登修輪奐已哉

志祠宇

文廟見學校

名宦祠在文廟門東

魁星樓在城上東南角

武廟在西街上戊祭

太平庵在東街

火神廟一一在南甕城一在神機庫

三代庵在廠門

勒馬關帝廟在南甕城

寶安寺在東甕城

文昌閣在文廟東即儒學大門

鄉賢祠在文廟門西

玉皇閣在城中大街

寶峯廟在南巷

龍神廟有在城內有在關廟外記五座

圓通庵

關帝廟一在北巷一在甕城

大關帝廟在鞞門街

三靈侯廟在東關

崇聖祠在文廟東北

文昌祠在西北角

城隍廟在東街北

呂祖觀在東街

觀音殿各街巷多有不勝載共記十五座

老君廟俱在草廠巷

泰山廟在東門勅建相傳正統帝北狩嘗現囑呵護

三清觀在城東門

神峯寺在東門外

一 祀宇

三官樓 在西街即舊鼓樓今改此

藥王廟 在西石橋

雲林寺 在西街

瘡神廟 在西門

千佛寺 在南門外

靈官殿 在南街

土地祠

二義廟 俱在西門外

財神廟 在小東街隅頭角

文殊廟 在小東街

白衣殿 在南街

馬神廟 在三將府巷

三聖廟 在北巷

海潮寺 在馬家巷

地藏殿 在田家巷

馬王廟 在南甕城

三官廟 在西甕城

城隍行宮 在南門外

淨土寺 在角門外

三教寺 在北街

普陀岩 在牌樓西街

會真堂 在桑葉巷

吉祥院 在牌樓北街

小真武廟 在西北角

陽和臺 即北臺上有元帝宮五祖殿七真殿五龍殿八景之一

廣寧寺 在西北角勅建

子孫聖母廟 在東南角

恆山廟 在北城外高與北臺並

華嚴寺 即西寺勅建

來福寺 即南寺勅建

忠孝祠 在文廟西

備義祠 在縣衙東

朝陽寺 在城西四十里有諸廟羅列稱勝地

壇壝

社稷壇寄於城隍廟春秋上戊日祭之

山川及風雲雷雨俱上戊日於南郊除地為壇祭之霜降祀於神機庫以軍牙六書配

厲壇在南門外

先農壇在東門外

陽高縣志卷之二終

陽高縣志卷之三

公署

周禮土方樹舍形方正域匪區區匠氏役也蓋經緯九筵向明出治君子之所攸芋下民之所瞻仰也然輪奐稱頌於晉室爽塏見更於齊邦室宇之重由來尙矣况堂高數仞南而而臨以出政而敷化者哉陽高自

國初以來公署有廢者有存者有改移者亦有繕修者但取堅完足蔽風雨已耳吾嘗考晉自省會以及府州縣文武公署詳志創建升代重修姓氏以明創之難承之猶不易也君子聿來胥宇非徒于時處處語語已也尙職思其居幸勿郵傳視之可也志公署

縣治

在城大閣西舊爲高山衛治順治七年因姜瓖叛據府遂移鎮陽和改爲府治署前雲中郡坊其遺蹟也姜變平府治乃歸大同陽高衛官居之雍正三年改衛爲縣今卽爲縣治也典史新設建衙署於縣廨東舊有總督府在城西南今廢兵備道衙在城西街今廢巡按察院在東街今廢大門改鄉約所 軍門大廳衙門在西街今廢協鎮府在大東街今廢三將府在西街今廢中路通判府在城西南舊係東路府順治七年駐劄司後中路居之雍正四年中路移居大同今闕曠城守府在東街城守包修理改建衙門於西偏增造衙亭殿日習射演武儒學公署在文廟後稍西明倫堂後有尊經漸闕圯撫賞庫貯彩幣遠人款貢則取賞在制府南今廢豫備倉爲積貯以備荒歉在城西今廢廣積倉在東街石基磚壁極爲堅固萬歷年間東路同知范錫建草場在城東北

神機庫 在城西北角有火帝真君廟前有猷殿傍有廊房外有大門牌坊

獄 在縣治內西

舖舍

置郵傳命義速也舖司之設雖非郵驛而傳命寔賴焉凡公移齎投亦關政要者 在城內

南柴市儲民間房以爲接傳公文之所東至天鎮縣六十里西至聚樂六十里 東路十里

臺一舖 北徐家屯一舖 南路乾庄子梁一舖 和尚堡子窠一舖 西路十五里臺一

舖 吳家窠一舖

驛站

陽高舊爲民驛馬三匹騾三十一頭駝十六頭共五十五匹後改爲站俱用馬七十匹在城守

管理以軍應之雍正七年奉

上將馬歸縣衙不用站軍以馬夫應役喂養

牌坊

天監在茲坊 在關南 德配天地道冠古今二坊 在文廟左右 王盛宮坊 在北臺南 日月同光坊 在關帝廟

既濟坊 在南臺城 慈雲法雨坊 在太平樓南 南薰解阜坊 在南門 節制三鎮邊關鎮鑼二坊 在行府轄門

左右 代天宣化秉憲維風二坊 在講約所左右 威遠寧週二坊 在道衙左右 協鎮府坊 在大東街 雲中郡

坊 在西街 錢穀維樞紀綱是奉二坊 在中路衙署左右 四代一品坊 張秉忠張萬邦張鴻功張

李東陽前鎮宣府後鎮大同建 總鎮三關坊 張萬邦鎮代州三關建 舊武坊 在武廟西

職官

惟王建國辨方正位設官分職以為民極是故牧監參伍置輔陳殷凡以為民治也自秦分天下為郡而周官周禮之制廢漢唐以來因時損益代無定制陽高逼近邊鄙明設總制府兵備道以及副弁等官控重兵以鎮九邊為捍患禦侮計迨

國朝內外統一烽火無警其各官相繼奉裁並衛為一止存通判城守衛掌印教官四員而已今又改為縣治通判移居府城易掌印為令尹改教授為訓導設典史一員至於從前歷任職官雖世代相隔事有可考者即與姓字俱傳否則止存其名以備參考不忘云

明總督都御史署

一一在陽和一在朔州洪熙元年選科寺臣有才識者奏贊軍務且督軍儲景泰元年以工部尚書石璞來督軍務此文臣總督軍務之始

石

璞 河南人舉人工部尚書景泰元年任

王

越 直隸人太子少保天順十年任

余子俊

四川眉州人兵部尚書太子少保天順五年任

李

介 山東高密人進士兵部左侍郎宏治六年任

劉大夏

湖廣華容人戶部左侍郎宏治八年任

史

琳 浙江餘姚人進士宏治十三年任

閻仲宇

陝西隴州人兵部侍郎宏治十六年任

王

儼 湖廣華容人戶部侍郎宏治十七年任

劉

字 河南欽州人進士右都御史宏治十八年任

文

貴 遼東人進士兵部侍郎正德三年任

關

山東文東縣人進士右都御史正德八年任

侯

觀 直隸雄縣人進士正德九年任

楊

潭 直隸新城縣人進士戶部尚書正德十一年任

丁

鳳 直隸肅縣人進士兵部右侍郎正德十二年任

鄭宗

直隸任邱縣人進士戶部尚書正德十三年任

馮

清 順天宛平縣人進士兵部尚書正德十四年任

許進 河南靈寶縣人兵部尚書正德十五年任

胡瓚 直隸永年人進士戶部侍郎嘉靖三年任

李昆 山東高密人進士兵部侍郎嘉靖十二年任

周叙 湖廣九溪衛人進士嘉靖十五年任

樊繼祖 山東鄆城縣人進士兵部尚書嘉靖二十年任

張漢 湖廣鍾祥人進士兵部尚書嘉靖二十三年任

郭宗臯 山東福山千戶所進士兵部尚書嘉靖二十八年任

許論 河南靈寶人進士兵部尚書嘉靖三十三年任

楊順 山東德州衛人進士兵部左侍郎嘉靖三十六年任

張松 河南路陽人進士都御史嘉靖三十八年任

李文進 四川巴縣人進士兵部侍郎嘉靖四十年任

王之誥 湖廣石首人進士兵部侍郎嘉靖四十五年任

王崇古 山西蒲州人進士兵部尚書少保隆慶四年任

吳兌 浙江山陰人兵部尚書萬曆五年任

蕭大亨 山東泰安州人進士兵部尚書萬曆十七年任

梅國正 湖廣麻城人進士兵部右侍郎萬曆二十六年任

孟鳳 山東曲阜人進士刑部尚書正德十六年任

劉源清 山東東平人進士兵部左侍郎嘉靖十年任

張瓚 直隸滄州人進士兵部尚書諭恭愍嘉靖十三年任

毛伯溫 江西吉水人進士兵部尚書嘉靖十八年任

翟鵬 直隸撫寧衛人進士兵部尚書嘉靖二十一年任

翁萬達 廣東揭陽人進士兵部尚書嘉靖二十四年任

蘇東 山東濮州人進士兵部尚書嘉靖二十九年任

江博 山東湖城人進士兵部尚書復任者三諡恭愍嘉靖二十五年任

楊博 山西蒲州人進士兵部尚書嘉靖三十七年任

葛縉 山東昌邑人進士兵部尚書嘉靖三十九年任

趙炳然 四川劍州人進士兵部尚書嘉靖四十四年任

陳其學 山東登州衛人進士右都御史隆慶元年任

方逢時 湖廣嘉魚人進士兵部侍郎萬曆二年任

鄭洛 直隸安肅人進士兵部尚書萬曆七年任

王世揚 直隸廣平府人進士兵部尚書萬曆二十三年任

楊時寧 河南人進士兵部尚書萬曆二十九年任

鄭汝璧 浙江人進士兵部侍郎萬曆三十四年任

余宗濬 江西南昌人進士兵部尚書萬曆三十九年任

崔景榮 北直長垣人進士兵部侍郎萬曆四十七年任

王國正 陝西人進士兵部左侍郎天啟二年任

張樸 四川蘭中人進士兵部尚書天啟六年任

王象乾 山東新城人進士兵部尚書天啟六年任

張宗衡 臨清人進士右侍郎崇禎年任

盧象昇 南直宜興人進士兵部尚書死王事崇禎年任

江禹緒 河南淇縣人進士崇禎年任

王繼謨 陝西府谷人進士崇禎十七年任

國朝總督

吳孳昌 河南人進士順治元年任

馬國柱 遼陽人順治三年任

耿燁 遼東人順治五年任

馬鳴佩 遼東人順治七年任

張元錫 直隸人進士順治十二年任

馬鳴鑾 四川內江人進士兵部侍郎萬曆三十五年任

吳崇禮 山東寧陽人進士萬曆四十二年任

董漢儒 北直門州人進士兵部侍郎萬曆四十八年崇禎元年任

馮嘉會 北直人進士兵部左侍郎天啟四年任

張曉 山東益都人進士兵部侍郎天啟七年任

魏雲中 山西武鄉人進士右侍郎崇禎年任

楊嗣昌 湖廣人進士崇禎年任

張福臻 山東高密人進士兵部侍郎崇禎年任

張晉 南直人進士崇禎年任

李鑑 四川人進士順治二年任

申朝紀 遼東人順治四年任

佟養量 遼東人順治六年以兵部右侍郎任

馬之先 遼東人進士順治十二年任

盧崇峻 遼東人順治十四年任自此後無云

國朝兵備道

南沫源 山東濰州人進士順治二年任

王宇春 遼東人順治五年任

劉漢興 遼東人

李士正 無考

曹 溶 浙江人進士康熙六年任以後裁

明東路同知

范 錫 定興縣人萬歷年任

趙世德 陝西人進士萬歷年任

鄭獨復 山東人舉人崇禎年任

王之震 山東選貢崇禎年任

國朝

張 鞏 南京人順治二年任

孔興義 山東人

袁士龍 直隸人

魏鴻基 浙江人

李嘉彥 廣中人進士順治三年任

陳宏業 遼東人順治七年任

郭一鶚 進士順治十五年任

路 騰 舉人

梅 燮 長葛府舉人萬歷年任

茅 一 桂 歸安舉人天啓年任

劉 涓 陝西人舉人崇禎年任

牟喬林 臨清人順治四年任以後改中路通判

李 珪 山東人

葉九思 三韓人

董文徵 浙江人

葉增奕 河南人

梁廷柱 旗人

馬世華 旗人

王 璵 旗人 此後移居府城

明衛掌印守備

羅 興

任守訓

國朝

梁化鳳

徐 麟

王文鳳

羅秦澤

宋之璣

傅士芳

鄭 愷

陳 瑕 此後改爲縣治

國朝新設知縣

石光 墜 獲鹿縣人 康熙乙未進士 雍正三年任 渾厚精明 安善良禁 強暴給農種人皆感德

房裔 蘭 樂城人 壬午科舉人 雍正七年任 寬簡和易 清廉愛民 善政井井 難以枚舉 姑取其昭著者十一條附記於此

勤宣 望 諱 煌 煌 大語 各處皆宜 此獨寔心奉行 每逢朔望 必傳紳耆 兵民 齊集 講所 惡切 詳明 務俾 家喻 戶曉 人人 樂德

清靜 廉明 下車以來 日用儉薄 毫無取於民間 惟飲飲高水而已 其勤好 摘伏無微 不照百姓 共享無事之樂 有永上 歲中之謠

勸農 給種 陽地天寒 二月始耕 親履 隨誠見力 耕農夫 給酒食 以慰勞 其有籽種 不足者 詢知 疾苦 詳請 上憲 給種 以助之

嚴飭 保甲 十家立一牌 頭十牌立一保 正互相稽察 匪類夜則率民 壯身親巡 查以防竊 盜以啟盜 息民安

平斛 省費 倉中設立斗 役雖有工食 亦常優 漁民 粟下車 詢得情 寔即時 按數 給與 工食 收糧 平斛 爲度 餘則 令民 自收 斗役 不敢 復設

設粥 濟貧 時值嚴冬 屢設者 甚多 特捐米 設粥於 德城 以濟 窮餓 老稚 腹充 熙熙 感德

職官

作學校陽高邊地文學多疎加意振作每季考凡文理優長者獎賞鼓勵有志公車者給路費以資興之

振俗完婚里民王芝先以女許聘閩姓既而羨他姓富饒又許字焉及陳情到案乃覆然曰此倫化所關非細事也責詎王芝歸原聘當堂償給喜衣令女與閩姓夫交拜完成姻緣鼓樂送出

畫皂代差凡催科訟理恐差役需擾悉以畫皂自拘且致詞書紙約屆期自來勿得遠延民既不擾公事亦便

嚴緝賭博嚴奸蓄盜莫賂為甚嚴飭保甲稽查窩場禁賣賭具時行緝拿

訟無留滯凡有詞訟隨到隨問令其各歸本業吏胥不敢舞文公案常見清淨

廣設義學邊民貧苦從師講學維艱鄉城廣設義塾用俸延師以教愚蒙民皆興行

國朝城守備

王國泰

龐居正

彭進忠

汪輝然

劉進朝

朱定遠武進士

包成朔州人

王廷聖馬蘭人

王自明

蕭曾玉雲南人

郭安大同人雍正七年任

馬光祖雍正七年著任

睢世俊庚子科武舉大同人雍正七年任

兼門保把總劉有誠守口保把總楊際時武舉朔州人

國朝教授

張翼如

李樹敏

楊宏祖

劉嗣安

禮

司文鑑

張瑞錦臨汾人

劉瀚曲沃人舉人例修學署

王啟修陽城人進士

劉溥進士遼州人

蘇之芬朔州人舉人例修陽高志此後改訓導

國朝新設典史

單化鳳 雍正四年任

金秉沛 雍正八年任

名宦

夫祀隆鼎新彼動庸慶衍來茲聿興昭報旣常之績爛焉簡册爲功在國爲國福民生也榮施沒也廟享傳芳名於百世至足尙已特是名者實之賓也自昔賢能俊傑蒞任茲土有德施民社者不愧廟食卽廟食之矣此名宦之設所以磨勵世風維翌雅化者誠非淺鮮夫豈僅標名稱譽已哉陽高昔爲重鎮其時坐謀廟畧折衝禦侮者類皆名公鉅卿鴻才偉器充之宜乎懋德懋功享廟食者濟濟也今乃祠宇雖設闕其無人豈果無可當血食者耶抑或湮沒而不傳耶余考郡乘其忠烈功業彪炳於册者寔不勝記卽績茂陽和者亦不乏人如石公璞山兵部尙書始督軍務經畫邊防以清正忠勤稱

王公越率千人巡邊猝遇敵駒從容整旅敵不敢窺封威寧伯

余公子俊造戰車數千輛修長邊六百里爲練武圖以教卒建井平城以防禦

許公進英敏有方畧遠人畏服不敢妄啓邊釁

劉公大夏持正不撓軍寔充足

翁公萬達果毅明勇先敗敵于鵝鷓嶺後拒於陽和邊防詳備

江公東三總軍務始敗敵於雞鳴後解大同右衛圍通餉道軍民感泣墮書褒獎諡恭襄

楊公博熟練兵事解大同圍經畧有功

王公崇古練卒守要害人不敢窺邊者數十年

盧公象昇自負壯略經略七省提孤軍而戰沒贈少傅諡忠烈

他若同知范錫建廣積倉磚砌南關城為邊民保障至今賴焉

國朝之總督

馬公國柱查覈屯政兵稱節制

佟公養量解冤獄還埋金掩骼補運修文武廟

兵備道王公宇春當姜叛之際破間謀之奸計全圍城之生靈

凡茲數公皆入為申甫出為方虎以死勤事以勞定國比之睢陽之節系石之戰范之鎮

西陲定遠之守絕域是異世而同功千載而一揆者也尸祝廟享垂禩無窮烏乎不可余太

息者久之既不敢擅請官祠又不忍沮沒前勳姑附記於此以垂不朽並俟後之君子司風

問俗者焉

鄉賢

國家獎勵民風取其鄉之賢士大夫行誼純正者與名宦並祀學宮之側固以崇已往實以勸

將來典至渥也陽高素係用武之地人多習武備而略文教前代或總戎或弁將或郡牧或

令尹或儒畧其有功在常德堪型方者至今猶嘖嘖人口特以當時王事太監未遑及此

節芝泥錫命紫誥封章亦止榮耀縹緲已耳後之人又略而未舉曾無已經奉部題請者

以故祠宇雖設虛無人焉然亦不敢廢也存之以待輜軒之使錄德揚功達之當宇而踏入焉志鄉賢

至於一二坊表之士得諸學士之記載父老之傳聞者書之選舉人物後此不復贅

陽高縣志卷之三終

陽高縣志卷之四

學校

典樂教胥肇自有庠序學校設於三代於是家有塾黨有庠鄉有序春夏教以禮樂秋冬教以詩書移郊移遂以求其變選士造士以觀其成舊歟何詳且盡歟漢唐以來學校多至三萬餘生王都建學可謂盛矣至宋天聖中始詔藩鎮立學元府立教授州立學正縣立教諭各一明興十室之邑必有學師儒之教與邑吏等府增訓導四州增訓導三縣增訓導二凡學博必極一時之選有齋房以居士齋夫以供役餼廩以致養詩書以肄業又置祭器以習禮射圃以觀行月課黜陟以示勸懲其所以養育而造就之者凡以備百執事之選甚盛典也

宋監前代而損益之文武皆由學臣簡拔育之學宮崇文重道彬彬濟濟幾乎虞夏商周之盛矣陽高昔爲衛所武備盛而文教略今改縣治政治教化更新而風移俗易家詩書而戶禮樂亦漸爲文明之邦矣

學校志

洪武二年詔天下郡縣並建學校以作養士類定在京府學生員六十人在外府學四十人州學三十人縣學二十人日給廩膳聽於民間選補仍免其家差徭二十八年立社學十六年奏准天下府州縣學自明年爲始歲貢生員各一人二十年令增廣生員不拘額數正統

元年令生員名缺許本處官員軍民之家及社學俊秀無過犯子弟選補六年令府學一年貢一人州學三年貢二人縣學二年貢一人遂爲定例十二年奏准令生員常額之外軍民子弟願入學者提調教官考選俊秀待補增廣名缺一體考送應試成化三年令衛學四衛以上軍生八十人三衛以上軍生六十人二衛一衛軍生四十人不及者不拘有司儒學軍生二十人正德十年奏准原定一年一貢者設廩膳增廣生員各四十名原定三年二貢者設廩膳增廣生員各三十名原定二年一貢者設廩膳增廣生員各二十名通行提學官考補以後於廩膳內照例考選充貢有多餘者作附學萬歷十一年題准各提學每歲考校入學務要不失原額間有他故巡歷不周次年卽行如數補足其地方果係科目數多就試人衆則於定額之外量加數名如乏才之處亦勿得一槩取盈

國朝初考試童生進學不拘額數順治四年定每考童生大學進四十人中學二十五人小學十二人十七年定大學進十五人中學十人小學五人武學如之十八年定科歲兩考歸并一考康熙元年停貢二年以策論考試七年停策論仍復八股八年復歲貢定府學一年一貢州學三年二貢縣學二年一貢九年督學道黃朱裘請部定中學進十二人小學八人十年復恩拔副榜等貢府選拔二人州縣各一人十二年復三年內歲科兩考進文章二次武童歲考一次

儒學大門在

廟東上有帝君閣稍進爲二門再進西入則爲明倫堂三間兩傍庫房二間堂下東西齋房各五間前有春風化雨坊後有尊經閣三間順治八年知府胡文燁建東西書屋各三間爲肄業所今漸圯堂西則爲學署正屋三間西小樓一間東西小房各三間外有書房三間院內小東房一間西院小書房一間

文廟舊在開西明成化十八年建萬歷三十一年總督楊時寧改建於東門之陽外有大照壁一座櫺星門三間門內有石橋下卽爲泮池再進則爲大成門門外東爲名宦祠西爲鄉賢祠內正北爲

先師殿三楹下有東西廡各七間順治年間總督修養量重修八年知府胡文燁修補康熙二十六年通判葉九思又修

崇聖祠三間在

文廟之東北嘉靖七年又建敬一亭三間於

崇聖祠之後

教法

蛾子時術學以積成故釋菜鼓篋以遜其志齊雅肄三官其始夏楚二物以收其威教法由來尙已秦漢以來古學既亡而教法亦以漸廢至若前列生徒後習女樂南郡不無貽譏焉及宋諸儒蔚起以倡明聖道爲己任而考亭鵝湖之學經義治事各立一齋體用兼備詳且

盡矣庶幾古學可興古教復明但法久而弛亦為具文至

國朝雍正甲辰春 雁平道謝頌朱子曰鹿洞規於郡縣俾學者從切已處做功夫非止謹身

寡過之端實乃希聖希賢之漸千古教法莫踰於斯故志於左

父子有親君臣有義夫婦有別長幼有序朋友有信

右五教之目

博學之審問之慎思之明辨之篤行之

右為學之序

言忠信行篤敬懲忿窒慾遷善改過

右修身之要

正其誼不謀其利明其道不計其功

右處事之要

己所不欲勿施於人行有不得反求諸已

右接物之要

祭器

鼓一

鐘一

木豆八十

銅爵二十隻

帛匝

臺架

祝板

琴一

陽高縣志卷之十九 七 B

書籍

孝經衍義 朱子全書

義學

義學之設所以廣鄉學之教育補厥均之不逮也昔漢明帝冠帶環橋使期門羽林之士皆通孝經章句而單于亦遣子入侍一時彬彬稱盛焉况我

朝車書統同人皆優游熙皞之世俾郡縣廣設義學凡鄉城貧寒子弟皆納之軌物得身親明倫講學之地成人有德小子有造譽髦斯士焉雲漢光天之化雖中天之盛曷以加矣又非漢唐所可同日語也陽高雖為邊塞君子詩書小人樂利文教亦蒸蒸蔚起矣故志之

義學在縣治東四鄉俱設另附

選舉

側陋首膺明揚傳巖再協夢卜此其選舉所自始乎嗣是而後或舉賢良或由中正或書名鶴頭或專循資格以至六條之精慎四事之定制歷代取士之法亦不一矣然而鴻儒碩輔連類彙征茂才異等分科並進莫不因時奮興以收其效迨自選舉微而進士重詩賦能而經義興科目取士山來尙矣蓋古者言揚之遺也

國家求賢若渴科目固踵前代有時再舉實與是即闢門額俊之盛心也而工虞水火乘運乘與者濟濟翼翼峨峨如也陽高地處邊塞時空忽於干戈石明以來科目乏人而貢於鄉者

棺銅墨而司民社類皆詩書濔雅之士他若奏名國學寄跡虎園者亦士選也並著於篇以見十非一途可拘也志選舉

歲貢

明左 諒 保安川村

石 銘 勃邑縣丞

曹 傑 咸寧縣丞

董 鉉 蘭州州判

楊 清 鳳翔檢校

張 瑾 歐寧主簿

辛 聰 沈邱主簿

林 芳 金吾經歷

任 全 秦州州同

常 鉞 河州州判

許 昇 鎮江檢校

景 佑 常熟縣丞

張 鑄 南京中城兵馬司

張 彪 曹州州判

許 洪 臨丞

周 昇 新安縣丞

段 璽 固安縣丞

牛 信

胡 寧 北京兵馬司

王 鐸 定陶縣丞

楊 文

賈 文 單縣縣丞

景 玉 武定州判

袁 文 林 邑

左輔明 昌黎縣丞

成 文 恩貢

袁 允 中 南樂縣丞

王 讚

張 完

賈 時 佐

林 鳳

郭 安 沂南檢校

蒲元慶 濟南縣丞

胡 孔 永平縣丞

蘇 杭 膠州州判

高 泉 谷城訓導

王 言 廣寧縣丞

曹業僧 豐縣主簿

景 星

鄭 亨

羅世芳 光祿寺卿後陞授南京鹽運道

錢 鉞 蘭州訓導

錢 鉞 蘭州訓導

邱 文 志

咸 德 朝邑訓導

劉 澤 丹陽訓導

董 江 無為州訓導

李 蘭

胡宗孟

蘇 椿 安化訓導

閻 明 昌黎訓導

左堯卿 平山訓導

林 桂安定知縣

任 思 武功縣丞

賈直儒 沂州訓導

董 緒 運司訓導

江通湖 恩貢

崔永康

吳 卿 洛陽知縣

王廷揚 選州同知

李毓秀 撫州州判

趙邦 介休訓導

錢永裕

朝母配 坤 讀書純孝有文筆後任曹州知州以清廉稱多善政

閻可揚

段 祥 稿城訓導

錢大龍 保定通判

錢如泉 臨汾訓導

劉 序 孝義訓導

劉三顧 晉河縣丞

李正茂 神城知縣

張 默 順德縣丞

程五道 海曹訓導

顏宗周 遼安訓導

張 德

吳國卿 臨晉訓導

閻應揚

曹 傑

馬 健

牛應麟 完縣主簿

董用威 南縣縣丞

鄭崇智 臨城訓導

王國正 安邱縣丞

孔朝聘

錢國濟

魯從周

鄭化光 恩貢

衛一統 順樂知縣

鄭化遠 鄆州州同

林騰 文行兼優

翟 浩 濟寧知縣

石維翰 曹州訓導

齊祚隆 博山縣丞

羅爾瑜 臨汾訓導

楊繼尹 青州主簿

任 惠

董用休 安州訓導

劉 彥 山東訓導

錢國卿 布政使歷

賀 應

江 銀 汾州訓導

顏如王

蘇一方

毋多壽

林 椿

徐化溥 教職

賈成德 商邱知縣

張國瑞 訓導

張崇慶

段雲縉 水田訓導

張大業 武進陽丞

張 齊 訓導

齊作宏 靜樂訓導

母 儀 長樂知縣有吏治才多善政

徐時泰 訓導

林之正 榮河訓導

張大勳 訓導

母 啟 拔貢

蘇異周 訓導雅淡好讀書善成就後舉家學相傳子子美亦廩生

管國賢 訓導

錢如湜 恩貢

馬兆麟

葉 斌

葉廷猷 拔貢

倉阜元 性好讀書持正善成就

後學一時文學之上多出其門

郝不基 委質厚重端方寡言好學多成就後舉

董 勳 關山訓導忠厚守正敦

子孫以孝友論鄉欽大賓

杜 秀 郡源訓導

賀爾奇

劉邦佩 留心縣志有遺冊

錢 晉

徐 定 訓導

衛 恒

張 瑾

胡鍾芳

郝統基

郝 訥 秉性聰穎度依宏潛心力學有不下帷之風乙酉戊子

俱特薦未售忠信自守品行端方鄉人推為祭酒

郝 謙 存心忠厚謙和與物 鄭 重

郝輔鎬

范文著

錢 謙 人品純正性嗜讀書教子孫為忠厚

母松齡 性嗜讀書長文學

張旭升

馬光圖 情敏和易品行潔邑人推重

葉 咳

錢再春 拔貢謹守正讀書有父風

孫 譜

張維嶽

君大年 阜元子謙恭和厚

栢培基 拔貢

楚大成 有善行請命官

王友夔 由生員任知縣

武科

明馬天能 進士任副將

滑 滋 進士任參將

沈承訓 進士任都司

陳國策 武舉任參將

陳邊猷 由武舉任參將

張聖德 由武舉任參將

范華美 武舉

焦者澤 進士

錢國瑞 進士金陵守備

張萬祥 進士副總兵

國朝衛宏 緒武舉

蘇大捷 武舉任守備

張 熙 武舉

吉成憲 武舉

張維藩 武舉

李 巍 進士任守備

李 峻 進士侍衛

李 曉 進士參將

李 巖 武舉任守備

李 瑛 武舉

董文容 武舉由文學

蘇冀浩 武舉

趙 緒 武舉任千總

王毓秀 武舉

張炳極 武舉江西守備

尤 善 武舉應州人住陽高籍

父照祥創修白登河橋父沒翁每年修理不廢

將選

明曹 安 總兵

李東陽 總兵

張 勳 指揮贈榮祿大夫

張秉忠 勳子總兵

張萬邦 秉忠子總兵

張鴻功 總兵

張鴻勳 總兵俱萬邦子

任自強 總兵

張 巍 總兵

張功印 副總兵

劉觀旌 副總兵

蘇世忠 副總兵

曹 岱 參將

潘 忠 參將

花永馨 參將

馬振麟 參武遊擊

張萬化

張萬全 俱都司命事

張聖道

張聖時 俱守備

張聖統 守備

錢 勝 遊擊

錢國用 副總兵

錢大榮 守備

馬定國 遊擊

馬中駿 參將

吳 鉞 封光祿大夫

吳 綱 封榮祿大夫

吳盡忠 總兵

吉應祥 參將

吉成芳 都司

馬 儀 總兵

選舉

馬昂 儀子總兵

倉義 副將

張邦屏 副將

張嚴 參將

張嶽 守備

張所蘊 守備

蘇萬邦 守備

張所抱 千總

滑國輔 守備

滑之棟 守備

師孔 千總

姚登魁 守備

張矩

張綱

孫昇 俱守備

紀熊 操守見孝行

康鑽邦 總兵

陳芳猷

吳國勳

王林

孫桓

孫汝賢

連志全 以上俱參將

周資文 遊擊

倉白盈 總兵

劉緝國 副將

劉承恩 都司

劉家聲 將官

武榮 總兵

吉應元

吉應龍

辜登雲

曹應輔

賈國愛 俱守備

吉成印 操守

辜廷 遊擊

辜世昌 千總

賈正鏡 功加守備

賈儒 副將

王國秀 守備

蘇士傑 知事

蘇萬國 恩榮官

蘇世昌 操官

鄧國照 遊擊

馬邦奇

馬之麟

李天雲 恩榮官

李大成 恩榮官

國朝

劉良輔 守備

蘇冀霖 守備

康兆 參將

郝權 副將

母椿齡 參將

王登先 守備

劉守金 守備

劉成基 功加千總

連壁 守備

王官 副將

武承先 千總

喬陞 守備

羅爾瑞瓦密口操守辭歸品行高潔精岐黃術術官徐以詩贈之

明指揮職

賈開軍

賈能

賈英

賈玉

林海

林廣

錢益吉

錢信

錢順

錢淮

錢國昌

錢末祐

蘇綉

馬天佑昂裔

馬國勳天佑子

馬德

田甫興

田宿

田大成

田忠

張均

張瑛

張輔

吳子榮

吳俊

吳瑤

吳信

吳英

吳臣

吳東楚

吳效忠

葉榮以功授虎威將軍

葉林

葉森

葉全

葉廣投鐵國將軍

葉增明寶衛將軍

葉振

葉有聲

葉與生

葉漸偉

任福

任禮

任祥

任璧

任爵

齊宗魯

張安

張寧

張臣明

倉友

倉勝

倉紳

倉國

倉朝用

倉朝卿

倉天禮

倉天順

倉鎮邦

倉良臣

蘇網

蘇洪

蘇世望

吉鴻泰

卜請

卜義

卜敬成

卜椿

卜信

卜大經

卜琮恭

卜隆

卜世勳

卜應吉

卜應兆

蘇文亮

蘇十奇

蘇松

蘇汝張

蘇貴

鄧福

相國輔守備

張世勳

國學生

明吳奮忠

郝公仁

郝三益

蘇子敬

國朝馬洪圖文縉子

吉鳴謙慷慨精明急公好義與人排難解紛人稱長者

劉良佐

劉威佐子

劉登仕

錢如匯

李茂梅

李茂桂

李茂栢業善好學正直無私

李茂梓朴寔好義不事巧飾

薛德忠厚寬和開常獨以二分行利衆稱其義

杜正標

母條齡

相立中

李郁忠厚白守公正與物有古君子風路府會以牌旌之

母嗣徽

武紹文

秦聚祥

王椿業善好施

凌冲漢

吉允升

郭訓

葉碧桂

靳有文

王忠

史廣

郝誠

米振邦

孫宏紹

張我養

農官

明郝威

國朝農官葉廷弼 雍正二年奉文擇儉朴無過犯者給以八品頂帶首以公應舉

劉美

人物 流寓仙跡附

天地者人物之亭毒也人物者天地之胎孕也天地之間氣無時而不周人物之挺生不擇地而皆有是故人物之品議者重焉而今古升沉時遷代換或難槩悉登記事蹟彙品誌傳不獨名存也寔副之矣居其寔也安可忘其名哉其有各位顯赫事業彪炳功在社稷德被蒼生霞標雲舉者固可與天地同悠久至若功烈出於慷慨孝德彰於閭黨以及匹夫匹婦節義孤行生不爽德死也離他無非鍾天地之間氣而生用能不朽於宇宙嗟乎世盡人物也雖其間盡忠盡孝不必一身丈夫女子各異其致而操其所至以爭鳴千古皆人物也皆可傳也豈論地之名勝與僻壤哉語云十室之邑必有忠信陽高雖處邊隅其間氣所生不無侔儻之士卓犖人寰以不朽於斯世誌人物

南北朝張華原

平城人明敏有器度仕齊武略除散騎常侍周文始據雍州神武使原入關說之周欲留用不屈北還神武以為忠累進公爵後為兗州刺史專以恩信服人錄囚縱重辟故人縱歸五日囚依期畢至先是州有狂獸傷人自原臨政州東北

忽有六騾食狂獸威神異之

張

平城人初事爾朱榮又為爾朱兆長史使遇高歡遂被頓識相州城攻恭承相軍事封咸安縣伯累遷行臺右丞從征玉壁大軍將還至晉州過寒雨士卒飢凍至死州以邊禁不許入城募遇見令開門納之人家給火食多所全活歡聞而善之文宣時卒于

將軍將軍

婁昭字善隆平城人武明皇后母弟也祖父提維傑有識度家僅千畝牛馬以谷量性好周給人多歸附魏大武時以功封真定侯父內子有武力未仕而卒以昭貴贈司徒齊受禪追封太原王昭方雅正直宏度梁謀破爾朱光于廣阿封安喜縣伯改濟北公又改瀋陽郡公後樊子鶴反以昭為東道大都督討平諸將勸盡誅其黨昭不從遂皆捨焉後轉大司馬出為定州刺史卒贈太師太尉

宋薛超平城人膂力絕世乾德初應募為虎捷卒從崔彥伐蜀以功補虞侯太宗時累遷大武指揮使又征太原遷神衛軍都校後領澄州團練使

明張萬邦字三錫號懷遠高人慷慨多大略萬曆二十二年劉疇反勾結梁城夏彊動公以材官應募上城之役功為第一陞授本衛千夫長後以累立戰功授大同左衛副將後奉總督塗命兩駐得勝隨機折申明大義動以利害四十一年六月邊外乃頓首受封撫賞職往類十之三省防兵精以億萬計叙功晉陞三關總兵因被誘致政歸里憤懣捐館大學士韓爌檄表有桑梓之靖其彌勤忠亮之體益切等語其排重如此

羅世芳有才略剛直果毅不隨時為俛仰萬曆十六年以光祿寺卿特授南京鹽運道十七年三月中途遇盜中箭而死後加封諡厚卹

馬振麟崇正年間任軍武遊擊將軍十七年闖賊攻城公奉周將軍令守西城會有通款獻門者賊入城周將軍戰歿公猶督兵巷戰亦與主帥俱戰歿

張巖字維石任宣府參將時烽火告警公率兵出戰身先士卒馳入陣中奮勇冲擊賊揮兵合圍矢截橫加衆寡不敵又無外援遂歿于陣

國朝母儀字範公由教諭陞廣東長樂知縣調盜賊除油暴息訟安民循聲時著上憲題調英德縣去之日長民建生祠春秋祭祀及治英發倉濟荒完鹽誅逋欠數萬人至今感德猶長民焉

馬文繼貢生學問宏博善屬文才識明敏任南雄通判多善政工獻闈庠生亦守靜讀書高品

吳之琳廬生守靜好讀書篤行孝友有古君子風族侄振宗早天遺母老妻少子幼孤苦無依妻守節事姑撫子田園托琳管理二十餘年公明無私本城徐姓寄百金於其家味之子孫俱不知徐爾得暴疾不能言吳急持金付其子曰此爾父遺也又持銀工銀五十兩慷慨遺人皆稱高義焉于永壽永泰永慶俱庠生永發廩生舉行優學院給匾以獎

董勸貢生任靈山訓導忠厚端正嗜書耕讀而外不干外事教家以孝友其弟董勃相率以孝友和洽成風其子孫皆增進文雅懷仁請讓之士人謂其繼美安豐焉

崔邑俊秉性明敏才賦練達為縣令多善政陞為四川州知州有古循良風

曹更新循謹安分忠厚善良居家仁讓與物謙光七世同居衛宮以誠旌獎

錢謙貢生品行端正與人和易可親守靜讀書以忠厚孝弟教子孫子再春亦庠士

林 桂恩貢任經歷才明敏陸安定知縣清正愛民與利除弊士民頌德此明人也附此

孝行

明紀

熊陽高人母李氏生子三人長仲早歿熊行三奉母孝敬備至無不曲體母意時為督府將村每晨必問安而後出昏必俟履而歸宿妻薛氏亦能善體夫意小心孝養後授雲石堡操守而母歿矣哀毀骨立三年終無喜容

國朝賈大成

武庠生父在外從征成事祖母以孝稱其事父母委曲承歡疾俟湯藥所以身代親亡哀毀如禮久而不忘

節婦

明李

氏曹宜妻生十甫三歲夫亡斷髮自誓不肯二天屢遭艱險水操不移年八十四卒子雄亦成立布政白公順曾為之親

黃

氏合人丁淮妻年二十三夫亡守節二十餘年壽六十一終

任

氏生員吳獻忠妻年十九而夫死任痛絕復蘇勇年七十善事送終所生遺子之雙教育成庠主家整不睦得完節焉

高

氏封恭人指揮僉事張所遺妻天鎮縣副總兵高之姪女年及笄適所適時為大同營守備病故無子恭人撫養幼侄熙十九歲以節略登任子賢奮勳儉持家水霜愈勵壽九十一終

國朝沈氏

生員吳振宗妻雲隴都司沈承訓女年十七適振宗三年夫亡時沈年二十歲無出立志守節艱苦不移事姑曲盡孝養無振宗前妻遺子名正生成立入文庠父死氏不改素志又撫養兩孫教以讀書長繼唐入文庠次亦成立今七十餘歲猶治家教孫不

傳稱官以牌表獎

謝

氏王繩祖妻生子讓國七歲而夫亡家甚貧謝賣簪珥葬夫事姑曲盡孝道時年廿七歲兒爭取食必給之使出姑老昏顛背披其面嗚其背忍痛無怨色孝養至死不哀衛官以牌獎之

郝

氏生員張聖調妻二十三夫死氏矢志不二事奉孀姑色養備至撫育二子俱成庠生克勤克儉以守先業衛官庠師獎以匾邑士庶亦有扁

閻

氏張文壽妻年十八適張至二十七歲夫亡遺子二人張孫五歲張孫年老無依家又貧氏甘心守節事公姑盡孝撫二孤以慈履經荒年氏紐針度日毫無愠色及公姑繼亡殯葬盡心盡禮今二十已成立守節五十三年壽八十卒

崔

氏秦世臣妻夫行不務正日以飲酒賭博為事崔常切勸不聽繼以哭又不聽且遭擗辱年犯盜罪擬命妻發配烏龍江時崔二

張

氏蘇大彰妻年十六適蘇生子四歲夫死天志不二事公姑曲盡孝道且撫育幼子兼撫小叔小姑紐針度日備極辛苦無愠意及公姑繼亡盡哀盡禮以葬既而幼子幼孫俱長大小姑亦適人守節四十年壽六十三而卒合邑士民公呈獎衛官守以扁旌之

人物

孟氏 年十六適席定國爲妻三歲而夫亡生子席秀方八月誓不二天撫幼子成立守節二十餘年至四十三歲而終

吳氏 王福珍妻年十七而適王門至二十六歲而夫亡遺二口忠七歲曰孝內月氏矢志不二撫孤已成立又俱死長子忠有遺腹子忠亡兩月而生名德新撫育長大幸德新能經營且有子化麟氏見會孫而喜守節三十餘年壽六十一卒

康氏 李葉妻年十五適李至二十四夫故氏矢志守節誓不二天遺子李大直四歲氏撫養成人守節四十三年壽六十七卒知縣旌以匾

趙氏 武魁妻年十四適武至二十三而夫亡遺子武良弼五歲氏矢志不二事公姑曲盡孝道撫幼孤教育成人守節四十餘年壽七十二

齊氏 孫繼續妻年十七歸孫十八歲而夫亡遺子未歲誓不改適善事公姑曲盡孝道撫養幼子成立及公姑繼亡哀葬盡禮極貧苦無懼色守節三十八年

李氏 郭大傑妻年十四歲歸郭門十六歲生子甫周歲而夫亡氏立志守正撫育幼子成人度日守節三十餘年今五十一歲

王氏 郭珍妻十六歲適郭門十八歲而夫亡遺子至二十八歲夫亡守子其子又死遺孫九歲名郭通氏不改初志守節撫孫成立守節五十餘年壽八十二終

吉氏 生員郭崇茶妻十六歲適郭二十歲而夫亡家甚貧父母以改適勸氏撫育孤兒矢志不移以剷刀割髮毀容而異言息守節五十餘年今七十五歲矣

母氏 制遺妻年十五歸制十九歲而夫死懷孕始三月後生一子氏事老撫孤兒冰霜守節三十年今五十三歲乃吉氏兒媳人稱雙節邑侯石公給匾獎

李氏 張文萬之妻年二十八而夫亡遺一二人長尙賢九歲次尙士四歲氏矢志不二撫育二子成立又生孫四人孫又生孫曰國輔爲庠生氏守節六十年見會孫而喜壽九十三卒

補錄

郝孔傳 性甚友好義寬和中正庠師衛宰俱推高賢子不基孫納謹皆儒雅士

外有身未離于草莽名不利于鬻官而分財濟物掩恤孤其高行義舉亦足以維持風化者得二人焉附記于此

葉大望 李性善良立意忠厚和睦族黨重義經財閭里稱盛德焉壽八十七子孫椒蕃皆循謹士

郭通 重義經財有族人郭完因年荒賣子通贖回爲完存後又有本村何文增出外病遺子七歲孤貧無依通出錢葬其父而撫幼子人有背說不能負遂背德送卷以危人釋其幾

流寓

明岳可

延安人武進士武穆之後原以入衛遊擊後遂開駐陽高久而計甚拙善琴弈工書翰文極藻麗詩有唐人風致天啓間詣闕上策得補萬全正堂都司遂籍焉三子其季登宣府鄉試

秦世英

陝西三原人進士蓬萊縣知縣崇正年成陽高講學咏詩與諸士為忘年交後以救回籍令學者仰思之

仙跡

連步雲

陽高人木工也有所事於村疇得異人授之符咒早即祈之禱雨耳著銅環袖胡桃搖動起霹靂沾足乃止後隆慶永年大雨兩月官府令之祈晴雲曰祈晴再不能祈雨矣令家家門首用白紙糊一銅蓋懸之上背青天白日不三日遂晴有病者乞符亦往往得愈萬歷時老人俱能詳其事云

韓守陽

相傳以為陽高杏園村人形容粗俚亂言類癡者每到酒家必乞飲人喜與之即快利少容弗飲也與太師庄劉氏相狎習有賭者落魄乞憐於守陽陽令竊家中酒壺一夕化之成銀值大雪夜臥雪中而豹聲如雷達於遠邇人皆異之後不知所往

補遺

馬雲龍

庠生儀之裔雄偉有胆略時闖寇圍家屯公適在村率衆射散寇黨免一村虜掠子文縉拔貢知縣陞通判

吉成憲

字明廷順治甲午科武舉篤行孝友慷慨忠公太守以義屬災之子鳴謙亦倜儻尚義饒有父風

郝訥

性聰穎宏達嗜詩書乙酉戊子特薦未售忠信自持有德望子本立廩生亦佳士

倉阜元

隸英子也其父好善樂施元亦以財濟人有鄰人張祥賣子給價贖回王鎖匠賣妻亦給米保全至今俱感德

陽高縣志卷之四終

陽高縣志卷之五

古蹟 陵墓附

夫帝皇王霸升降而隨時都邑邱原遷徙而靡定古昔聖君賢相高人達士托遺迹於寰區播聲華於奕禩者標炳流榮終不可得而泯也是以遊康衢者慕堯風登龍門者思禹蹟帝王之盛昭昭乎不可尙已他若召虎著績於太原李牧振威於鴈郡細柳營屯昭條侯之武畧城頭紅粧傳曲逆之奇謀孰非其人其地炳炳史冊者哉然而勝地邱墟經故國者動憑吊之雅意高賢已遠追芳躅者仰尙論之深思地以人重人以地傳人雖往而名不歿地已遷而蹟猶存陵闕臺榭池閣樓觀滄桑勿論也盛衰罔計也總以倣先哲於荊榛存懿烈於禾黍曠世相感歎歎之下亦不自知其何心也志古蹟

白登村在城南二十里許乃白登縣之遺迹也冒頓以精騎四十萬圍高帝卽其地也娘子城去白登二十里相傳曲逆以美人艷冒頓激鬪交過而信宿焉故名

樞密寨西山迤南峯巒峻岼云青龍觀春夏間岸草山花紅碧欲滴觀前有懸石絕頂僅西有石洞攀鐵索乃上味者曰不知道得天臺否鐵索懸崖渡石橋四望有高峯名樞密寨世遠莫考或亦出守天雄之遺類耳 細柳營在城西十五里有石牌相傳漢周亞夫屯兵處龍泉寺 去城南四十里石洞連龕水自西而環繞束入叢林相傳唐太宗曾飲馬於此二蛇盤闘俄騰雲去遼宋間斷碣存焉

太師庄 在城西北十里餘相傳係明英國公張輔食邑河水灌溉今猶稱沃壤焉

陵墓附 倉副將墓 在開山口即義

曹將軍墓 明曹安天順間御修內有石幢翁仲相栢古幹蓋因其迎駕之功也去城十里

餘在西山之麓借碑字剝落 倉總兵墓 在沙河路北即自盈

李總兵墓 在西山去城十里即宣大總兵東賜

張總兵墓 在城南十五里即昌平總兵魏

張總兵墓 在開山口十五里即三關總兵萬邦

李通判墓 在榆林村即毓秀

林知縣墓 在城南青中村即桂

李知縣墓 在衛官屯即正茂

祥異

周禮以馮相氏司天文之常以保章氏司天文之變而左氏亦謂分至啓閉必書雲物春秋書異不書祥亦不書事應凡以人事變於下天道應於上和致祥而乖致沴理有固然不可誣亦不可變是以古聖必兢兢於天人之際而出王游衍罔敢戲渝者誠非無本也居上而思祈永蒙難而利艱正六事責而膏雨降一言善而妖星徒天遠而徹人近而顯蓋可知矣他如禾五穗麥兩岐虎北渡河蝗不入境孰非善政類應之祥徵哉然而水鬪石言預霜拔

木亦木管不時見於册也可不懼哉惟震來虩虩庶可永孚於麻也志祥異

南北朝宋文帝元嘉二年十月平城大雪深數尺

七年三月白龍二見平城井中 十七年二月平城黑風壞屋殺百餘人 順帝昇明元年

平城雌雉二頭上生冠如角 四月地震 齊高帝建元二年九月平城大風雪深三尺

十年魏主宏於平城侍中偶見一鬼衣黃裙袴當戶欲入叱之而退 九年六月雨雪普泰

二年九月平城地震十一月大星出昴宮明宗天成元年平城大有年 明正德十二年九

月雨雹是夜又有星隕之變 十四年春饑 十五年七月雨雹大者如杵 十六年春饑

嘉靖七年九月大水 十五年七月蝗自境外至群飛蔽天食稼殆盡邊土舊無蝗見者大

駭 十六年雲中黑告見遠視塊然黑氣不可彷彿近人形若毡席過之者輒病死不利於

小兒傳言畏馬人多以馬逐之 二十年春饑八月霜殺稼 二十三年六月雨雹 隆慶

六年淫雨連月不止官衙民舍多倒塌者時得異人連步雲乞晴乃止崇正十七年瘟疫至

國朝順治元年方息 四年五年蝗至七年方絕

康熙十七年十月杏李華 十八年饑 十九年大饑民間採食蓬子苦菜皆鳩面鵠形賣

兒鬻女 十一月彗星見長亘天經月乃滅 二十年春饑秋大稔民始安集 二十八年

春饑 三十二年七月初二夜水從城壕逆入西甕城廡舍廟宇俱壞人避城上得免 三

十五年十一月南街火燒毀民樓房舖舍二十餘間 三十八年大旱七月隕霜 四十一

年彗星見兩夜即滅

武備

捍外衛內克詰戎兵是兵可百年而不用不可一日而不備况陽高地臨邊塞久爲戎馬蝟集之場借箸而籌烏可緩乎有明以來嚴墩墩設重兵有騎卒以戰有步軍以守而且總統鷹揚握奇致勝可謂詳且至矣而雲中九原猶間有烽火之警今

國家車書統同梯航萬里薄海內外來享來王邊民樂業皇風清寧塞弓戢矢誰曰不宜然猶時幾綏勤簡閱以重干城腹心之選以待不庭不虞之患未雨綢繆誠可爲萬世法志武備國朝兵制

馬戰兵二十五名 步戰兵七名 站軍五十名 守兵五十三名 長夫五十名
共一百八十五名 兵制

督標

左營 馬戰兵六百名 步戰兵四百名

右營 馬戰兵六百名 步戰兵四百名

左協 馬戰兵四百九十名 守兵一百七十八名 步戰兵三百三十二名

道標 馬戰兵一百二十名 步戰兵八十名

以上兩標共兵三千二百名 景泰元年設至順治十三年裁

軍器

大小生鐵紅衣將軍炮十四位

熟鐵西洋炮二百二十位

熟鐵威遠炮一百九十四位

熟鐵佛郎機炮四十二位

熟鐵子炮二百一十位

以上共炮六百八十位

係堪用

大小生鐵紅衣將軍炮四十四位

熟鐵西洋炮三十七位

熟鐵發貢炮七十位

駝鐵威遠炮六百一十七位

熟鐵佛郎機炮一百四位

熟鐵子炮七百九十七位

以上共炮一千六百六十九位

係不堪用

大小生鐵子共重一十七萬二千二百六斤

演武場

在城西北二里許縱橫六百步四隅各有烽臺東西南設三門而轅門獨峻中央有演武堂堂後有寢室將臺一座申軍令臺左右俱有亭又八角樓一座臺高二丈餘下有四門上

陽高縣志卷之五終
有亭八角 東西各有觀射亭三所共十八楹 未有軍厨
此係總督府昔年閱武之所規模若此今塌毀已多所存僅十之二三應載古蹟內但以地
爲武備附記於此

陽高縣志卷之六

房齋蘭

藝文

夫三墳皇策肇洩兩間之秘奧二典寶訓爰啓萬世之心傳河圖既出以來陳範錫疇而後景星慶雲有歌明良都兪有辭上世之鴻文系不可得而綴也嗣是而司馬崛起於龍門柳氏光價於河東其閒偉人達士著述頗多或寄情於山水或遊戲於禽魚或序神道以設教或借贈答以抒懷或記武功而振維揚或傳高行而表正義總以鼓吹休明勒鼎彝而書史册用能垂諸不朽以記往蹟以訓將來峨峨如也陽高雖屬九邊而文學之士亦未嘗乏人且鳴劍籌邊名卿大夫督分符而駐節焉凡春蒐夏苗秋獮冬狩時濡染毫端淋漓誌勝郁乎其鉅觀矣暇日登高作賦吟弄風月携文學之士相爲倡和以爭艷於四聲月露之間雖未必盡絢道德而挾天庭而書思發藻亦時有古作者遺意焉安可湮沒而無傳哉作藝文志

奏指

臣某直隸正定府樂城縣人康熙四十一年舉人候選知縣今籤掣山西大同府陽高縣知縣缺欽惟我

皇上

乾元協撰

泰運凝庥

立四維而奠八紘聖神文武綱紀建古今之極

總萬幾而齊七政雨暘寒燠中和操參贊之權

發粟馮租必使物物各得其所普鴻施於千八百國

升賢績俊務俾人人樂効其長垂駿業於億兆斯年猗歟亘古難逢允矣生民未有臣才慚幹

濟識愧宏通幸生

仁聖之廟沐五十四歲

生成之德謬與賓與之典竊二十八載科目之名十赴公車兩逢

曠典每懷圖報無山惟有頌禱靡已茲值入官之始止宜自効之秋念臨百里非輕思宰一邑

綦重立志實心辦事常懷守法奉公儉以養廉省耗羨而裕地丁俾野有急公之兆庶勤以

補拙清案牘而詳聽斷使衙無作寧之經承講學明倫在仕宣揚

聖訓勸農課業時時仰答

皇恩要之竭事

君致身之誠在殫心殫力盡爲臣隸躬之誼以矢慎矢公而已敬繕歷履進呈

御覽臣不勝戰慄悚惶之至謹

奏

則教授王塔訓導李資往職教事。簡武弁之俊秀者充弟子員俾授以經子史及翰畧諸書時巡撫其地則右副都御史襄城李君敏左叅將東安周君聖相與謀仰副明詔盡臣職即各捐俸資倡集義士並節縮區畫得贏貲若干卜地於高山衛東偏數十跬東西廣十六丈有奇南北以尺計者四百九十有五首建大成殿肖夫子像於中傍列配哲像其東西爲兩廡各設諸賢及從祀先儒之位而廡之南中爲戟門又其南爲櫺星門他若幣帛之庫籩豆之厨宰牲之房罔不備其殿之東則梓潼神祠殿後爲明倫堂五間居學官有署處生徒有舍凡以楹柱計者不啻若百數繚以周垣節以。聖既成師生絃誦其伊吾之聲窮晝夜弗輟人文之盛於斯至矣肇工於成化己亥孟秋秋月落成於壬寅孟秋董其工者則守備都指揮曹紳張浚分理其役者則指揮許忠曹英孫勝也於是叅將周君嘆我。聖明教化之覃被與諸君作興之盛美不可無記乃具事始末囑諸民部卽中冀君綺請記予予惟治道之隆替在學校之廢興而學校之廢興又係於承宣斯教者之得人與否焉昔蜀也僻陋得文翁爲守選材勸勵復起學宮於市中教化大行。宋。湖俗尙僻賦得安定胡先生爲教授分經義治事。齊擇士而教之故天下。湖學多秀彥今陽和雖在邊徼使承宣典教者果皆文翁安定其人將見人材彬彬輩出佩仁服義其躋於仕也必能明。適用期爲國家勳業之臣用武之地蔚然爲文獻之邦矣

創建陽和府碑記

國朝胡文燁

大同古雲中郡也羅戊子之變

天子赫然震怒曰格爾衆其滌濯逆氣嘉與更新議移郡陽和越明年庚寅夏六月余自昌平刺奉

簡書來守茲土而草創之初踵借民居匪儀匪堂如儼然廢公無度非體也用是撥高山衛舊治爽塏宏儼然守治氣僉謀允臧牒制府報可迺鳩工庀材起役於七年七月迄九月就緒大堂中堂各房科庫臧以暨門壁戶表大率仍舊貫而繕葺之暨茨丹雘煥然一新更於中堂後剏建正樓五楹東西南各三楹屹立周拱取攸寧攸芋之義東書房三楹六房東西翼末各三舍以居閱練堂下近巖左右各二舍以肅班早二門外東壁營建土地祠迎賓館次第舉焉郡治儀門徂堂中道有

聖諭碑亭覆瓿而壯觀瞻懋統攸係今年辛卯春三月構成役不妨農工不苦餽物料根楔不煩閭閻躋斯堂而敦風首化延襄五百里牧圉四州守七縣令以暨衛領驛裨於焉秉成其肇起之規模庶幾於公不廢秩秩乎稱得體矣寅僚別駕陳君司李劉君進而拱予曰廡宇裏矣不鐫勒何以示永久明剏造之艱難乎余曰是也服官之義百務集而夙夜奏公漢武侯所在修葺衙宇其自矢曰布公然則蒞官與役何者非務何者非公也閩泮見詠傳不書而美在其中矣務也公也若夫築節新延旣役小而春秋譏之務之急公何在焉堂堂府治其於公務允合公斯水匕斯傳實實枚枚億萬斯年眉山氏曰凡百有位視此刻文請

與二君共誌之

重修陽和衛儒學碑記

國朝劉宏興

學校之重自三代云然矣故簋業鐘鼓頌周命之維新椅桐梓漆興賢侯之起化則夫文闕
庶幾之事必當景耀邦隆加以司風教者有振勸作興之美乃能啓佑斯文垂永禩不替也
若我二千石胡公際

鼎運而興芹泮斯正其人已陽和衛學改建於明萬歷三十一年至今幾六十年好弟而遠瓦
甍而龜安問丹雘墜茨之具觀也茲茲土者率借口時黜廢且曷已大同丁戌子之變感明
年已丑府屬駐陽七年庚寅公自昌平刺擢守雲郡式臨祭期每登慨地壞曾今年秋八月
事 祀典 制府修公 暨本道陳公麗牲告潔顧而憮然曰學宮廢且甚公曰諾素志也
亟議捐俸金補葺責在府屬僚員自公而下禹謨陳君偕余宏舉皆宜拮据襄厥務陳實不
遑司征余又晉闈之役旋且事武闈雖公日營心劃所夕焦勞其於門壁棹榭殿廡前後修
繕極其周緻啟聖祠尊經閣大費經營又於尊經閣剏構書屋六楹意延文行兼優者謀文
肄業計起工於八月廿後至十月初告竣備不苦就匠不苦領物料不苦罄辭所費二百餘
金一出諸俸資於戲盛舉也加意作人仰附 國家興學重文之典

今天子道化翔洽已 勅宗伯履祀

闕里光史牒而揚邳豆公之崇隆學校謂非佐治休美輔文之良績乎又不第是已也公無事

不爲經久謀纂志乘而青編著錄元稹而白骨起他如蕭衙宇清獄訟絕苞苴理郵驛善政未易更僕余不敏日奉公指授寧不以備採風者一壽諸貞珉公諱文燁號煥然幼治尚書工行楷精吏事東郡武定名選也際從龍而泣茲焉

創建北嶽廟碑記

明錢國卿

夫北嶽聖帝載在祀典主江河淮連兼虎豹走獸虺蛇昆蟲等屬赫然稱靈其所由來尙矣陽和素無祠迨司馬蕭公方伯劉公二守王公因閱城事共議曰夫神貴顯七斯畏斯感矧帝奠維北方茲土正帝所臨泣者安可无祠以顯神道而彰教哉於是擇地於北郊近郭週廣數畝營臺數仞後創大殿前建高樓暨兩廡重楹而金碧交輝延住持重完即給腴田以爲焚修之需自是香火浸盛士女瞻謁無虛日仰視神威及兩廡歡愆畫像靡不心悚色動洋洋如在斯其於神道設教豈不至顯矣哉未幾蕭公膺內召劉公晉中丞王公遽解組歸里功德主任君徐君欲立石以紀後而命記於余余以爲天下明則有禮樂幽則有鬼神幽明一理也人固有肆然於禮樂之化而常悚惕於鬼神之呵責者或少曲其志嚮仰天大乎具諸散髮匍伏百拜詣神宇訴其人其人亦卽惶懼戰慄氣結汗流不敢出一語而山岷野婦歲時遊神宇中相顧驚嘆曰某善應某惡應輒歸語其鄉人其鄉人亦相恐誠曰勿作罔念爲諸神所苦夫匹夫匹婦其畏人畏神者紛紛一情也顧其畏人以貌而畏神以心臨民者榜笞日加其欺益甚神無一言以告卽至狡抗者猶不敢欺何哉豈非在神者微有所不

可測在人者顯猶有所可脫乎卽其不可測超善避惡以不詭於禮樂則神道者足以設教
故所以濟人道之不及也小人賭其像以懷其畏君子欲存其理不敢不崇諸像三公斯役
其於幽明之際神道顯而設教昭誠非淺鮮也經始於乙未八月落成於丙午六月蕭公名
大亨太安人劉公名葵通州人俱進士王公名良佐順天舉人任君秉正徐君天福俱陽和
人以尚德授冠帶

創建龍王廟碑記

龍王施雨澤驅雲霧三農百谷咸待命焉威靈烜赫正祀有自來矣天啟乙丑歲陽和大旱
六月不雨夫邊地素乏蓄積而復苦於不收民其無生乎方伯李公視民之飢由己亂於是
竭誠步禱久未獲雨急急焉捐俸市地創建龍王廟大同太守劉公襄其事中軍守僑董其
役正殿三楹大門一間街南大照壁一座神像三位金碧交輝儼然人望而畏之其一大現
金陵帝京也則以帝濠滁諸鎮帝鄉也以王其餘府州縣則以公以侯以伯煌七大典曼邁
千古至所定祀格誓詞凜凜義正詞嚴無非衛民福國至意詳載秩宗海內守之無斃陽和
古曰登也東北隅舊有遺廟天啓乙丑春偶罹回祿淪爲瓦礫榛莽之場前制府馮禮亭先
生創舉其事因承內召擢爲樞府工稍停及制府張芋田先生蒞任喟然嘆曰城非神何主
神非廟何依且有其舉之莫可廢也輒捐貲十千繕語寶兵憲東路魏郡丞捐貲五千繕軍
民皆以力歎從毀者置之缺者增之湫隘者恢擴之正殿三楹廣其舊制其寢宇綽緹樓榭

諸所煥然鼎新丹雘金碧莊嚴精邃麤七莫莫儼聰明在上而明威赫赫然者嗣是而吏之廉貪民之善惡歲之豐凶與天雨暘霜露悉求神以福庇當與恒嶽之玄貺精氣相通孰非制府經營之所貽也哉按先生數年功在雲中上谷甚大凡所爲奠金甌固民社令萬年不復於陞者網繆備至今戎馬不驚邊境晏如而黠寇雖就就窺同而我之方畧緝密保障森然凡陽之人無不登拜而視之有曰廟貌堂堂延胙啟詳降福穰七庶民永康有曰赫奕斯廟繫誰始作不勞不傷兆民咸若多福多壽永綏公祚噫大臣爲國爲民成民而致力於神俾邊民戴德蒙庥固如是哉余於是而益悟神人相因之理也望王治天下先德後刑固矣然德以施君子刑以施小人正以佐德之所不及至於冥頑下愚化誨所不能移試悚之以幽明報應之說必懼懼則心志默奪矣是神又以佐刑之所不及神道設教從古如斯夫豈徒雕塑旒冕備物昭馨以修歲事而飭耳目之觀已哉是爲記

創建龍王廟碑記

錢永裕

龍王施雨澤驅雲露三農百谷咸待命焉威靈烜赫正祀有自來矣天啓乙丑歲陽和大旱六月不雨夫邊地素乏蓄積而復苦於不收民其無生乎方伯李公視民之飢由已飢於是竭誠步禱久未獲雨急急焉捐俸市地創建龍王廟大同太守劉公襄其事中軍守備董其役正殿三楹大門一間街南大照壁一座神像二位金碧交輝儼然人望而畏之其一大現也哉自經始至落成茸雨屢降遂成有秋神功固不可誣而李公積誠之所感昭昭也夫公

以方伯蒞雲東其文武長材安攘大畧與夫鑑空衡平賦簡刑清訓士子以振儒風斥貪吏以除民蠹其懿蹟有罄竹難盡者而建廟爲民祗管窺其仁愛之一斑耳奚足表公之善哉勒之石以垂不朽使後之人知廟之所由建而感公之德於無替也公諱如檢乙未進士山東人劉公諱士璉陝西山原人舉人中軍官張邦屏高山衛指揮

重修城隍廟記

明林騰鵬明經

古聖王之制祀典也有功於民則祀之城隍保障一方厥功甚大載在祀典其來久矣我太祖高皇帝恭膺天命作神人主爰念元季綱淪法斃潰榛不經迺勤睿思建立制度正名定分爲萬世成憲於洪武元年戊申詔封天下城隍神在應天府者以帝在開封臨濠太平府和滁二州者以王在府州縣者以公以侯以伯三年庚戌詔定鎮獄海神俱依山水本稱城隍神號一體改正仍頒格式蓋造廟宇屏去間帷及泥塑神像止改題木主曰某處城隍之神廟各鄉皆有之陽和城隍廟在城內東北殿宇鬼峨廊廡旋繞後有寢殿前峙牌坊規模甚宏壯軒豁經歲既久爲風雨所薄垣壁漸頽金碧剝落鄉人鄧公國政丁公鳳等至廟愀然動念曰城隍爲一方土其廟若此甚非所以妥神也有同商入吳公東楚等捐資修葺時萬歷壬子春二月也越數月工告成殿廡門坊煥然一新視之昔日大有加焉於戲以數十年之斂損一旦從而新之諸公之敬尊神明可謂至矣周書曰皇天無親惟德是輔又曰黍稷非馨明德惟馨諸公以修廟者轉而復自修于一身之中修之爲父子焉修之爲君臣焉

修之爲夫婦焉修之爲兄弟焉修之爲朋友焉以親以義以弟以忠以信大庭廣衆此修暗
室屋漏亦此修一時此修終身亦此修人知此修人不知亦此修盡其修爲于此聽其助順
於彼吾見冥之中神必以福錫之矣栽培傾覆理固然也鄧公以修廟工竣徵記於余余
嘉其誠迺以此言勗之因并書之爲記

重修玉皇閣記

明林 桂邑貢生

玉皇有閣始於正德丙子乃中貴許公全叅戎張公執之所構也然陽高爲雲東重鎮之一
而是閣屹然建於中央寔大觀焉凡境內水旱荒札居民咸禱於是以前助佑及月朔元祀
駿奔對越者罔不登臨斯閣以輪肅將第歷年既久不無殘缺且建之日中尤易損敝雖間
一修葺計其時踰三紀許矣鄉衆懼缺坏不治無以竭虔昭事而稱作者之意旨也於是修
舉一倡而士人嚮應爭出財資凡棟梁楹桷板檣之腐黑者吞吻蓋瓦級輓之破缺者墁壁
繪圖采色之漫漶不鮮者舉治之法由是黝堊丹漆金碧輝煌足以爲上帝居歆矣而聳然
壯麗亦可以鎮壓雄邊而示威於遠人也工始於庚申之夏落成於是歲之秋衆議欲勒之
石以垂不朽因請勸忠祠空碑於總督府葛公兵憲王公皆義之而如其所請時別駕李公
亦樂於弼成叅帥太原劉公關西孫公各捐俸餘而贊助之予以爲天下之物不可以久居
而興衰鼎新者惟存乎其人使後之繼今復如今之繼昔則斯閣也幾可歷久而常新矣是
爲記

重修北臺真武廟碑

明蘇杭

陽和氣淑川夷城障方止先是城之北門去山僅七威許成居未稠林莽交接虫蛇之屬多爲民患議者稠堙土並甃城實之與城齊一上建元帝宮以鎮之北有正殿有行宮有重門廊廡森翼右踞峻絕魏乎偉觀也前人之述備矣迄今六十餘年月日滋久又頗高風雨易凌也是故崩圯毀觀非所以妥神靈而肅觀瞻也邑人孫玉銘率諸人士拮据協謀以重修爲已任于是財以樂輸工以心競正殿中央增爲斗拱繪以雲龍翹之大門昔卑隘不稱是復築土爲臺起樓於上甃城爲門者三凡宮垣室壁各飾以丹青粉藻金碧輝煌光彩奪目上凌霄漢不啻人煙襟帶北嶽背山臨川規模宏敞視昔更有加焉每遇月朔幽幽雅雅趨踰而上下者幾于摩肩焉蓋不啻均地如漢光武峯之勝槩也工始於嘉靖之壬寅落成於癸卯之甲辰衆欲勒石以垂永久而求記於余余乃古之諺曰於戲元帝起混元之初開物成務其所謂益民生而祛民害者不一而足且懸象於北極霄漢於斗垣分而爲七星者合而爲一帝其象爲乾其形爲坎易曰戰乎乾勞乎坎帝之翊運生成化庇皇猷盈宇宙皆是也况陽高地維居北爲帝駐蹕之所而蒙麻寮可量哉吾見靜鎮龍沙肅清北境聖天子垂衣於上而元七陰受安靜之福事神禮幽莫是爲大吾儕其日用而不知乎是爲記

兵憲王公諱宇存保民存城序

國朝錢大龍撰

天下事處常易處變難變至兵燹處之爲尤難兵燹起一人命關億兆幾懸頃刻禍在眉睫

非大識大力以擔當孰定於其間則又其難之難者也若三韓左公博達伉爽威望素著特

膺
雍正飭陽和敷政務行大禮馭吏嚴若不可犯而聖神下榻禮貌士大夫藹然周詳若可狎然而不能爲束髮非義干至於治兵恤民廉明惠愛卒伍閭果能禦畏威懷德焉順治戊子冬雲郡姜瓖作叛逆威武鎮郡叛陽和鉅大同僅百里震隣之恐方切懼之辛丑元旦大司馬大司寇帶兵直入撥申排城公至司馬司寇前清話移時乃宣言大同出一間謀與蘇副將通信王營拏來時城之人盡不知所措而蘇姓尤甚公即傳衆鄉官集靈侯廟公亦雜列於其中令間諜扭認之彼直扭公爲蘇副將而司馬司寇之疑始釋嗟乎此非天乎使間諜扭蘇則蘇何以辯而提騎舉動保無有波及牽連石玉難分之患乎不知公清話時其大識大力已將身家保蘇無異心卽拏蘇七亦無虞而城之人皆無虞於是帶蘇父子詣王營辯明實係誓口蘇姓陷害一城然則蘇姓之生闔城之生孰非公再生之哉是誠天地之大德卽我公之大德哉方之曹魯公下江南誓不妄殺覺公更慮其難他如王營所需糧芻器用晝夜輓運不絕渾是肅鄭侯當年秋九月叛逆授首王師凱旋凡我人士准擬新制府必屬公未得保障茲土不意公笑談解組竟托腿恙請休矣我人士竟失所望矣瀕行之時在公初無責報之意而我人士安能已於廣捐生祠肖像以祀乎奈荒歉頻仍輿情未遂迄今公論自在食德雖忘先爲序勅碑建之名宦祠中以竣續竣其事云

重修太平庵碑記

蘇之芬 教授

陽高之震方有太平庵不知創自何時大約庵之盛衰與陽高相關者也在昔明初爲北門要衝設總制府甲兵雲屯以控扼中外人摩肩車擊穀烟火數萬家於時之太平庵金碧輝煌奪人心目如涼蔭火宅燭照昏衢開士擁錫而來遊名公象教而皈依猗歟盛哉此庵之盛因陽高而盛也至後

國家聲教遐訖車書統同總戒緘貅移居大鎮數十年間地廣人稀荒基廢址滿目蕭然居民僅昔日十之一耳以故香烟歇梵咽金裝剝落風雨時侵頽瓦壞垣無復曩時之太平庵矣盛衰之感有心者深爲太息焉茲者沙門某黃冠某慨然以重修爲己任於是衆沙爲山集羽成裘人以悅來工以心競雕梁畫棟草飛輝映恍如移蓮臺於南海現靈光於西鸞昭菩提於紫塞矣九衢之草千計四照之花萬品此太平庵之由廢而興也又適當陽高改縣之辰制度一新規模漸潤人心以之而思舊風俗由之而還淳其盛也又可於庵之盛而知之矣吾故曰太平庵之盛衰與陽高相關者也工起於康熙五十五年告竣於六十年將勒之珉而問記於余余既鐸斯邑翰墨所不辭也是爲記

沈節婦傳

蘇之芬

沈節婦者生員吳振宗之妻雲陽都司沈承訓之女也年而端慧長而幽閨識者早以門楣目之年十七而歸振宗入門廟見端肅之容貞靜之性己不與凡女同及事舅姑也盡淑節

縱以盡其儀怡聲柔色以將其誠而且滄生致卒之節無不委曲而周詳孝婦之稱中外無
間言矣至其琴瑟靜好敬戒無違勤無舍力儉惟素粗天子有芻蕘雞鳴風家政非井閭
里久奉爲規模無何而懿範甫著德多各三載之後所天遂殞瞻天於令德固如是乎其
將尚之於一時耶抑將玉成正名於不朽耶雖然哀姑無依弱質孤單意謂此時實難堪矣
乃氏始而肝腸俱裂欲以身殉既而思曰衰姑在堂我當事之夫有遺孤我當撫之豈曰前
妻之子獨非吾子乎於是裙布荆釵辟蠶除月事姑曲盡孝道撫子慈而兼義迨正生饒有
文風早入文庠人謂沈氏敬姜之德畫荻之教不足讓也無祿正生卽世氏百憂甫釋而又
罹矣自是慕其德者微以再舉意飭之氏毅然曰吾不過未亡人耳頭可斷志不可滅子雖
死兩孫尙幼非余撫之而誰耶教以詩書使就外傅長孫繼唐文學埒於太僕筆光照於臨
川竟成青衿超拜堂下氏顧之色喜曰吾五十載寒月孤燈可稍慰矣次孫亦成立氏至今
年七十餘猶時教誨不倦兩孫亦頗能孝養可謂相與有成矣前有令伯之劉母今見吳門
之沈氏百世而遙其道若同其勢沈氏猶爲苦且難矣噫世有鬻眉男子自負勁節及偶遭
困頓輒改柯易葉者不可勝道若氏夫亡守子七死撫孫屢折而不移卒之從容就理家道
無替紹衣書香皎然五十餘年如一日者真千鍾之鋼百鍊之金愈磨愈光彌久彌芳豈尋
常巾櫛之流所能望其萬一哉夫乃知天之尚氏於一時者正成氏正德於不朽也氏女流
哉有古烈丈夫風矣

贊曰自光岳氣分士無全節夫婦義缺以故齟齬一斷琴瑟改調者紛紛也有若淚痕常在
眼鐵石融心肝始事七之終事七之真可以砥名節而扶綱常也易曰介如石正吉沈氏可
當之而無愧矣

高節婦傳

蘇之芬

節婦恭人高氏乃天鎮縣副總兵高之蛟之女大同營守備張所蘊之妻也生而幽閒長而
正靜能通孝經章句凡女訓七則及古烈女傳無不寓於目而徹於心每嘆曰女之適人猶
臣之事君也臣不可懷二心女豈容有異志哉正恒之摻凡女當然何獨古也年及笄而歸
張氏事舅姑以孝聞待妯娌以和著凡臧獲奚婢皆御之有道寬而不弛嚴而不苛家政井
井乎咸足爲閨壺法至其琴瑟靜好克儉克勤不以貴而逸不以富而靡有德耀遺風焉日
以勤王事肅官常相勸勉而燕安之私非所計焉以故城守公在官慎行陣敬簡閱以身率
士卒而無愧干城腹心之寄者蓋內助之力居多云恭人無子有侄張熙未離襁褓遽失所
恃恭人曰侄猶子也况兩門止此孤兒我當撫之以承宗祀於是躬親育養飲食起居無不
曲盡其誠求城守公欣然曰能如是乎吾復何憂是熙失母而有母恭人無子而有子矣無
何天奪哲人城守公以疾亡恭人哀痛之餘血淚交下幾欲絕者數既而所親慰曰以身相
從於節是矣倘幼侄失所家道廢缺良人其能瞑目乎乃慨然曰吾始爲未亡人可耳冰霜
自持勤儉經事無大小悉殫經營教幼侄以義命其習詩書嫻孤矢且戒之曰李牧振

威於鴈門驃騎發跡於祁連古人獨非人乎爾其紹衣先德勿忘熙果恪遵慈訓以韜畧登壬子賢書恭人顧之色喜以爲任能如是爾叔父爲不亡矣吾五十載之未亡人亦可見先人於地下矣時恭人年已耄耄猶日教諸孫不倦古稱義姑敬姜亦何多讓耶噫人固有侈談節義始亦剛銳不同究之志變於中途行衰於末路者比比也若恭人冰霜其操歷五十餘年如一日者豈易得哉 贊曰如金如錫純不可涅如圭如璧精不可缺吁嗟恭人之節經霜而越潔愈久而更烈歷五十餘年而不滅吁嗟恭人之節

吳生員傳

禹都周翹瀛舉人

吳生名之琳字瑞函生而岐嶷幼而聰穎人早以國器目之及長而事詩書數行俱下凡子史百家無不貫串髫年卽文埒建安震響閭塾以文試於直指使者遂補弟子員而名噪膠庠品高月且頭角巍然如鯨鵬鼓翼不可方物矣既而試高等食廩餼人之視公也愈重期公也愈宏以遠而公之自待也愈謹以飭其與物也愈謙以恭事父母以孝聞處兄弟以和著有負米長枕之風時有族侄振宗早夭遺老母少妻幼子孤苦無依妻沈氏矢志守節事姑恤幼田園則托公管理二十餘年凡一切營度皆公正而詳明人皆以義高之本城徐姓者素與公莫逆嘗寄百金於公其徐之子若孫俱未之知俄而徐得疾不能出聲昏亂不識人事公聞信急持金至徐家付於其子孫皆謝不知公曰此爾父所遺也安可負哉不寧惟是至若狄銀工之失金五十尋覓無門呼天欲死公幸拾之而慷慨完璧無吝容無德色青

天白日之行義也而仁存焉矣雖宏徽之庫簿詳明王純之埋棺封金亦何多讓昭昭不與節其七不改性夫豈獨存古人哉人將謂其介爾景福金馬玉堂可燃指拾也否則奪席五十名重石渠或可躡於萬一也無何甫至擢貢之年而公竟抱志以歿所謂其可能者人所不能者天不於公益信哉余友修縣志余適在學署閱公家乘見行寔欣然而爲之傳公六子永壽永泰永慶俱庠生永發廩生舉行優人品醇正學院褒獎贊曰古者教具興而風俗醇道義明而貨財微士生其時或輕千鍾或重一介臥雪自守而不干王侯樽草瀟陵而泥塗軒冕甚而破甑不顧拾金取擲豈非砥廉隅而勵名節者哉自世風不古士無全摻白璧不爲庸七受福以至多藏厚亡者比比也若之琳之篤行孝友敦尚仁義不昏於利不醜於財較然不欺其志挽波靡而振貪風其有功於名教爲何如耶

吳節婦傳

蘇之芬

吳節婦者王福珍之妻吳伏林之女也年十七而歸王門至二十六歲而夫亡遺二子長曰忠甫七歲次曰孝甫兩月筮筮兩孤內外無依七歲兒啼飢呼母兩月兒待哺號咷弱質女流罹此百憂人謂此時氏惟有湘妃淚難題甄氏歌雖月照梓纒恐不能除矣於是紳士爭委禽焉氏大痛曰天乎此言胡爲至於我乎立志堅正誓不二天毀容不出戶庭者三十餘年紉針在手而不以爲勤并日以食而不見爲儉至其臆懇懇撫育二孤唯其疾憂又有非筆墨所能傳者迨二子成立及時授室氏庶幾百憂可釋矣無何彼蒼莫問偏吝哲人忠

孝兄弟相繼又殞將悲天之淚甫乾而割腸之刃更痛所親既歛其德又憐其苦有以死灰復燃之言餽者氏收淚正色曰吾二子之亡命也長婦有娠安知天不畀我以好孫乎吾守吾志而已再有以他詞進者吾惟剖腹斷首以報之越兩月而生孫矣氏憂喜交集既痛其子之不能見子又喜其祖母得以撫孫慰乃婦曰吾姑媳有托矣此子必能承吾家名曰德新教以義方兼令經營德新果克厥家時以甘旨侍養祖孫二人更相爲命乃善有餘慶孫又生孫曰化麟少習詩書頭角巍然氏顧之喜曰吾見兩代孫可以見先人於地下矣噫世固有侈談節烈自謂足以超儕輩及稍遇盤錯而不改初志者在鬚眉丈夫猶爲難之而况在無非無儀之女流哉若氏者境屢挫而不易負勁節以常未夫死守子亡死守遺腹之孫而卒以成立不墜其家真可以凌霜雪貫金石矣豈易得哉豈易得哉贊曰乾以健立坤以順承履霜其境也堅冰其操也直大以方敬有義也含章可貞守之固也無成有終始吝而終成家也氏之勁節其得坤之象歟

張總領傳

蘇之芬

張公名萬邦字三錫陽高縣人也生而岐嶷倜儻有大志嬉戲聚石爲營壘習兵戰事慷慨長謀畧兼嫻于騎射萬歷閒劉哮跳梁勢甚猖獗引兵薄城銀夏爲之騷動公以材官應募登陣陷陣爲首功授本衛千夫長蓋自是而名震三邊朝廷知有萬邦矣及沿邊烽火屢警公隨方勦禦忠勇著於内外人皆以無敵目之時得勝撫賞未定抗不受封中丞余公諡之曰

北邊根本地也非謀勇之才不克有濟惟萬邦足以當之公奉命兩駐得勝旣秣馬洗兵搗之以威而消其窺伺復開誠布公撫之以德而結其歡心譯使往來陳大義明利害牧馬之士不敢彎弓而南下者數十年旣而俛首受封享王如故其撫賞亦減舊額十之三四歲省錢幣以億萬計雖晉絳定遠功何多讓而公之夙昔大志胸中甲兵亦可稍展其萬一於是獎以璽書錫以虎符總領三關惟公是任龍旗拂海雲鵠印搖邊月而鴻名偉業天子方拊髀而思倚公爲萬里長城矣未幾功高謗興公竟解組歸里抱忠憤愆而卒其時大學士韓爌有桑梓之靖共彌勤忠亮之拮据益切以誌墓表云

倉副將傳

董勤邑人

倉副將名義其先江南鳳陽府泗州人也生而雄杰有大志父用先爲趙丞相門下義士因而奔行走行伍之間善騎射武勇絕人皆以熊虎將目之至庚子六月渡江歸薛院判其深謀大畧又爲江右軍所推服得調飛雄衛旣而洪武克大都留守禦大興左衛前所後以父年老代充馬軍以軍功爲小旗及靖難兵起從征首克雄縣圍真定及白溝河大戰有斬將奪旗之功九月攻圍濟南降總旗十月陷滄州又敗威縣深州等處截路軍三月夾河兩軍相遇擊刺相攻有山岳崩頹風雲變色之勢公所向披靡當之者辟易須臾彼軍狼忙鼠竄棄甲曳兵而我軍歡騰鼓舞奏凱歌矣閏三月臺城又大戰我軍勇氣百倍三鼓不竭而彼之頹靡愈甚矣征至順德彰德兼克西水寨功晉秩千戶三十五年正月兵甫臨境而東阿

東平汝上俱畏威獻欵四月克小河齊眉山靈壁之戰摧鋒陷陣所到無堅壘雖入陣拔幟
臨舟掬指之勝何多讓焉永樂元年陞授武畧將軍二年欽賜世襲父用以公貴贈武略將
軍至是而義之勇畧震世功勳鼎彝龍旗拂海雲鵬印搖邊月天章寵錫若操券而至矣後
又以功高陞爲副總兵潯陽和衛子孫皆世襲指揮遂家焉振振繩繩易武備爲文教多彬
雅士世爲陽高人

悲平城

明金幼孜大學士

嬴政馭四海六國爲榛荆巍七黃屋尊萬世希業成長狄從西來鑄彤乃銷兵防邊有奇策
北築萬里城民命半爲土白骨亂縱橫焉知百歲後蕭牆自紛爭楚炬照天赤隆準入咸京
宗社旣覆絕滄桑多更變至今千載下長城猶崢嶸我時從萬乘伏劍來北征徘徊覽遺堞
惻愴懷古情揮鞭上馬去落日悲風聲

重臺聳秀

丁大年舉人

高臺雄峻帆對峙氣清森山連太少室月滿東西林翠栢亭雙蓋晴煙拂疊岑塞垣千里壯
俯仰嘆嵌嵌

織錦飛花

前人

未信邊城寂春深若耶長丹崖浮野翠繡谷噴奇芳鳩羽凌高拂爲梭帶影忙遊人三四月
掉入武陵鄉

西岩積雪

前人

誰拈五月梅吹作邊頭曲高嶺動瑤光原田積玉粟凌春且帶寒入暑堪驅酷爽氣正朝來
憑君一桂笏

白登遺蹟

徐化溥色頁生

平城事已矣霸跡總蕭條落日平砂淺西風古木搖共知孤注險漫道六奇高千古青山舊
長歌破寂寥

青龍惠水

前人

有山不必高有水山椒涵修煉幾多人汲烹終日足紫芝老碧泉瑤草叢寒澗傍水湧金蓮
欲遷不可摘

神谷藏風

前人

繚逸徵奇異豁然間遠嶽萬濤歸尾閭一竅啓鴻濛大壑雲雷閔雄威甲拆通鳴條應不作
載祀報年豐

鑿石通渠

前人

一水巨靈搃五丁擘劃流揮鞭驅石馬撥中挽金牛莎濕林阜茂瓴高灌溉優開渠千載利
奕世食先疇

陽和臺

蘇之芬

北門鎖鑰地臺勢跨蒼穹平
觀清涼巔俯臨王詔宮
飛簷棲蟠螭丹井宿虬龍
形抱三邊靜威加九姓雄
白登戈戟古冑預車書
同乘德金湯固憑高想召功

織錦飛花

前人

傳聞織錦白雲鄉
誰把飛花錯報章
不是瑤林耀閭苑
却疑瓊樹煥縹緗
春霞瑞霽千嬌色
秋日烟浮萬點香
漫道武陵多勝事
歌衢也自老農桑

神谷藏風

前人

飛雲歌漢筑解慍入虞琴
宣氣生成化吹揚
天地心輕清斜燕影
轟烈響豐林
估景隨陽轉
霜辰歛翠嶽

鑿石通渠

前人

誰移禹穴置三邊
峭壁巉巖碧澗穿
遠眺倚天長劍臥
平觀亘地銀河連
洞門不見開石扇
砾厓湧流沸檻泉
一自巨靈分掌後
懸知坎德潤坤乾

登北嶽臺感懷

秦世英 進士流寓

突矗層臺入紫冥
誰將圖畫置郊烏
參差碧綠浮青藹
上下煙雲護寶樞
一孤龍荒峯作嶂
千群雉堞錦為屏
登高無限關山意
欲借神通振羽翎

九月陽和臺登高

明方逢時 總督

瑟瑟千峯秋氣高
登臨有客興偏豪
風前瓊玉欣雙倚
天畔壺觴強自勞
花影尚能明霧眼

歌聲未許薄霜毛年年慣向龍沙醉回首金門憶賜餽

白登臺懷古

明霍鵬巡撫

荒臺猶著白登名一望龍沙萬里明尙想精兵圍漢帝翻憐奇計出陳平雲中冒頓曾鳴鏑塞下閼氏有廢城顧我籌邊多古意誰馳鐵騎復西征

前題

明魏大本明知

叠叠因巒處七邨君王遺跡向誰論戰場一夕圍兵解漢壘千年故業存流水何心悲往昔浮雲隨意變朝昏獨餘西北青山好壁立金墉固塞垣

前題

于重華陽和道

猛將如雲建鼓旗興王何事自登陴一時妙計憑紅粉千古遺羞笑鐵騎夜月琵琶胡女妬西風響栗漢宮詞明妃枉怨毛延壽作俑先由六出奇

雨中登陽和臺大觀樓

明劉餘澤奇風道

層霄傑閣瞰丹邱爲豁吟眸此勝遊劍吐蓮花邀嶽色笛吹楊柳動鄉愁河山草樹三雲曉烟雨樓臺萬井秋聖主無勞西顧切于今方叔壯新猷

北臺和吳按察韵

明馬燮總督

千騎城頭盛羽旄望中佳氣接天高風塵共許雙龍劍廊廟今看一豸袍明主不征荒服鹿邊臣誰獻旅西葵金壘未盡新詩出耳畔如聞白雪濤

過新平步韻立碣北臺

明秦廷奏 按院

西來策馬問危邊，斗大孤城山色連。
元塞喜看烽火靜，中原帳望羽書傳。
春風不散千巖雪，落日猶寒萬竈烟。
市罷臺空屯種急，免從御府發金錢。

秋日集陽和臺

李可大

選勝探幽蒞脚杯，眺遠陂殘霞依晚嶂。
踈柳漏低枝，人愛初秋色。樓閣七月時，清商何處動。
飄緲白雲思。

北臺古意

張 韜同知

陽和臺倚雲開北，極星瞻北闕來。
北山屏障凌九隊，武夷九曲步三台。
步三臺，颺大風，寒開宿莽，籜天通飛耳，長目駕雲中。
手提流浪跨長虹。

喜雨侍制府集飲北臺

胡文燁 知府

雨意餘堪賞，登臺望野堦。
芊眠原上草，五兩隴頭風。
共樂偕髦士，先憂切范公。
高枝布穀唱，佐酒話年豐。

其二

發醴千峯潤，濛茸四野青。
新鶯啼晚樹，好鳥澤疏翎。
載道民欽渥，興言信祝零。
酒籌聊一借，不厭長蘇亭。

陽和署中新秋

南洙源 陽州道

簾捲新晴見日華，銀河淺淡影初斜。老梧搖葉寒風細，裊裊穿雲去路賒。才愧毘陽羞作賦，心同宋玉但思家。閑階扶杖清霄立，萬木蕭蕭引夜笳。

次直指薛彤許韻二首

劉國欽戶部

浪迹雲中日見兵，懸弧上馬各投營。荒山慘澹峯多側，寒雁翱翔隊自宏。一夕清霜供嘯傲，三關殘月任縱橫。長歎悲壯天爲動，雪裏堆花紋暗生。

其二

一官冷落日皆餘，窮巷閒吟卷帙儲。讀史無心嘲熟客，論文有意集奇書。達觀自得常貪靜，冷眼忘機越愛踈。邊塞笳聲隨處起，凱旋方峇盛稱車。

初上陽和臺

前人

陽和臺山勢有根，參峯嵐環合去復。回欲舉杯酒，情尙未來且自談。笑曠懷開遠聞雷，策馬更徘徊。同人狂嘯山之隈，山之隈一望白如垓。行行止止月影陪，月影陪照見數層苔。平城遺蹟安在哉。

次直指薛老師公著韻

劉宏舉推官

美醞何堪戀步兵，肯隨蝸角共蠅營。雲中暫喜征塵靜，峴北虛懷濟畧宏。影動花廳霜霧裏，窟潛乳虎雪縱橫。叨陪繡斧觀風日，得效陳詩慰此生。

其二

凋殘子遺類王餘江海何由升斗儲賴有幃帷諷詞遠慚無夾袋姓名書苞桑已繫謀應密
肺石猶懸網未踈借得陽春臨絕塞清塵凝望御軒車

題嘉和署壁

前人

偶憇孤城欲放歌瘡痍觸目淚云沓壯懷久付紅塵盡病骨其如白雪何青草猶憐戎馬遍
蒼山豈是故人多玉關不斷歸來夢何日滄溟挂一蓑

元夜登玉皇閣

前人

寶閣疑蟾闕華燈映碧璃吸呼通帝座轉折陟雲梯星逼諸天近烟浮萬戶低無能窺太乙
空憶杖頭藜

署中七夕

南涿源

河漢幽期已及瓜瀟瀟風雨障天涯林間翠滴雲間淚石上苔斑微上花勿化仙橋移土佩
露零碧野動杏車十門巧線空相望忙裏心情到幾家

春暮石墻堰送別

岳可武進士

密裏拆傍坐水涯竹籬茅舍兩三家春光莫道邊戎少也有沙堤幾樹花

秋日登淨土寺經閣

前人

相將間上貯經臺霽色秋空萬里來叅罷紫金窺法藏媿非龍樹却空回

秋暮同張恢生登北臺

衛一統邑貢生

金甌日夜戰蒼虬白帝專征萬里秋鴈尺雲迷戲馬塞峯刀霧隱看山樓君憐宋玉拙騷句
誰愛陶潛借酒籌徒倚高臺聽萬籟瀟瀟寒鐸墮鄉愁

咏胡郡伯修尊經閣

丁大年

何年思樂頌此日賦靈光泮近芹泥潤欄高首宿長龕碑鐫岫嶮簷鐸響笙簧寄語青青子
扶搖天際翔

前顧

潘斗府授

一振疑千仞凭欄四壁賒千螺浮碧岫百雉引丹霞象接圖書府藜分太乙葩魯侯時戾止
芹藻盼光華

和單鳴九遊小村即事

蘇之芬

崎嶇通鳥道曲水繞豐亭霧隱山含綠烟籠葉點青疎林留纖月危石似鸞停萬籟因風動
啣杯空性靈

同 王府尊 石縣尊祭風畢至小村張國瑞

飲即事

前人

偶至午橋莊漪園列酒漿右軍豪興遠學上引盃長寵柳迎風舞嬌花帶露香晴光映碧草
鶯語夾笙簧水遠石徑綠山籠鬱霧蒼蒼和巖密樹穴鼻隔叢芳欣共長庚晏愧尋元亮章
勝筵思梓澤邱壑意難忘

白登懷古

前人

驅車偶至白登堡斷碣荒烟野寺古玉砌金光雜鬼燐雕梁畫棟作樵櫓城頭無復美人粧
百萬英雄爲黃土我來初秋風淅淅極目平原山色昏中間木黍易長畝青草茫茫多牧殺
近聞獵火空南牧沙苑土門安如堵紫纒銜汗血馬重驛珊瑚翡翠羽應是邊塞傳歌頌
渾忘飛狐征戰苦話及當年月暈事父老不道漢高祖祇今一灣流水在夕陽返照鴈飛浦

織錦飛花

朱定遠城守

西園春色麗灌引北流長花發天孫巧名傳竇女芳柳垂金線密鳥擲玉梭忙民俗多淳樸
桃源即此鄉

北岫攢雲

前人

春雲嘗不斷掩映遠山眉出岫龍飛杏歸林雁落遲
滋新霽色灑林雨中姿縹渺增詩意
振歌調開懷

端陽魁樓會遇雨

林鐘邑廩生

魁樓巍勢逼諸天此日登臨眼豁然雨滴飛簷融柳汁風吹畫棟繞藜烟靈光瑞竊南山翠
劍氣遙冲北斗懸自是文明啓秦運蒲觴醉欲欵雲眠

登北臺望長城

郝丕基貢生

峭壁岩嶠萬里長蒼鷹黃鵠傍雲翔地分江漢爲南服天限關山亘北疆部落會圖傳樂頌

毡裘重譯盡來王不用
鍔衣勤遠戍星壤錯繡永金湯

登大閣

馬獻圖 邑生員

高閣嶙峋接大荒
邊城一望鬱蒼蒼
檄中下見南山盡
檻外平觀北斗傍
雲隱皇州多雨露
地臨紫塞會享王
曉曉玉磬千門曉
身世却疑近建章

暮春登臺覽勝

錢謙 邑貢生

登臺一望春風除
瞥見邊村數千家
溪水悠悠集雁鴻
長城奕奕走龍蛇
青峯聳秀連雲起
紫塞含烟映日斜
我道西山疑積雪
由來織錦已飛花

暮春登臺覽勝

錢再春 邑拔貢

北臺直上青虛中
遙望雲門萬壑通
柳拂重臺翠欲滴
花飛織錦烟輕籠
雲峯四起迎皇極
遠岫千層倚碧空
更有韶光描不就
夕陽斜照晚山紅

演武亭感賦

郝訥 邑貢生

當年虎帳出天衝
十萬貔貅盡跨弓
畫鼓頻催調戰馬
笳聲互動練燒雄
將軍冷落埋荒草
營壘虛無布白蓬
只有轅門無數柳
西山日暮鳥呼風

登臺望杏花

林洪郊 邑廩生

一上高臺景物賒
欣逢織錦正飛花
春風有意助芳興
萬紫千紅鬪麗華

奎樓即事

郝本立 邑廩生

載酒登高處寒烟帶旭暉林霏遙望合山色遠看微細草迎風舞輕燕傍水飛一杯寬世界
半榻捲雲衣殘月清焦夢高秋籠翠偉吾廬非不愛只此欲忘歸

書志林後

客問志何爲而作也曰以記事也古者墳典而外九邱著焉志由來尙已然而志指所著也指所例也有分著者著辨也職官選舉之類是也有合著者相轄也分野沿革之類是也而要非無所本也萬物本乎天故首以星野始乾元也而下與輿圖協使臨益部賢聚潁川其明徵矣在天成象在地成形理相因也天子于此而行慶賞沛營澤使當時戴德奕世蒙庥巡幸盛事自昔爲昭然而代有盛衰地之廢興因之矣沿革建置非自然之運數耶第地勢隨時而變遷河嶽亘古而常存金錫丹漆魚鹽布帛莫不生於其中王者立九賦制井田以通貨賄以養萬民而且繫之以九兩致用以九貢五男三女必記三男二女必詳有山川則有土產矣有土產則有田賦矣戶口風俗安可忽乎哉于是帔舞皇舞吹豳飲蜡成民而致力於神也故受之以祠宇孰主宰是孰經理是望之峨峨攸芋攸寧者公署也六屬居此而舉邦治六取居此而辨邦治此取要彼取詳文經武緯所官有也或廟食於治邦或品高於月且名宦鄉賢勵風化也鼓賢德也古者育德澤宮養賢東序春夏詩書秋冬禮樂蓋取諸學校處則方正出則循良束帛羹羹賁於邱園蓋取諸選舉而要皆賢豪者流皆人物也當時榮矣沒則傳焉流芳樹聲頓足千古望古遙集感慨係之矣此皆常徵也若夫三足軒翥於茂樹六鷁退飛於宋郊祥也異也總非常也非常之徵黎民懼焉此而欲防微扞圉蓋取諸豫豫者備也故受之以武備武振威於一時文傳美於奕世故以藝文終焉始于星野天

與地合中以輿圖數條類以相從地承天也終以藝文人與天合也易曰仰以觀於天文俯以察於地理又曰觀乎天文以察時變觀乎人文以化成天下志雖雕蟲不敢不準諸此也卷以六成詳哉其言之矣特是舉也余非敢好爲作也第以索居冷署兀坐終日因探風土人物編次成書又得邑賢大夫以相裁成庶其不無小補云

著

雍正七年餘相月都陽蘇之芬書於陽高之學署

